

अटारवां

(राजस्थानी संस्मरणात्मक रेखाचित्र)

डॉ० ब्रजनारायण पुरोहित

राजस्थानी भाषा साहित्य संगम (अकादमी)-
बीकानेर (राजस्थान)

प्रकाशक

मानद मंत्री,

राजस्थानी भाषा साहित्य संगम (अकादमी)

बीकानेर (राजस्थान)

© डॉ. ब्रजनारायण पुरोहित

पैलो संस्करण--११०० प्रतियां

सन् १९७३

मोल—रु ५.७५

मुद्रक—

गणराज्य प्रेस

बीकानेर

समर्पण

जिणां रो आशीर्वाद ही इण पोथी में
फलित हुयो है, उणां भाईजी
श्री युगलनारायणजी (एडवोकेट साहब)
ने
'अटारवां' नांव रो आ पोथी
सादर समर्पित है

—ब्रजनारायण

प्रकाशकीय

राजस्थानी भाषा साहित्य संगम (अकादमी), बीकानेर, आपरै पैलें साल रै प्रकाशनां सारु आठ पोथ्यां स्वीकारी, जिणां मांय सूं डॉ. व्रजनारायण पुरोहित री कृति 'अटारवां' अक है ।

डॉ. पुरोहित राजस्थानी रा उदीयमान साहित्यकार है अर इणां री कृति रै प्रकाशन सूं तथा दूजै नवोदित साहित्यकारां री पोथ्यां छापण सूं आ बात स्पष्ट हुवै कै राजस्थानी 'संगम (अकादमी)' खाली 'पैली सूं धरपीज्योड़ा लिखारां री रचनावां ई छापै कोनी, श्रेष्ठ रचना-लिखार नया साहित्यकार भी इण 'मंच सूं प्रकाशन पावै ।

भरोसो है, अटारवां में संकलित, डॉ. पुरोहित री अ रचनावा सहृदय पाठका रै मन भासी । ,

—श्रीलाल न० जोशी

मानद मंत्री

राजस्थानी भाषा साहित्य संगम (अकादमी), बीकानेर

दृष्टि : आभार

विधाता री इण सृष्टि में मिनख जूण ई इसी है जिण नै मुक्त हाथ, मुक्त बाणी अर विकसित मैस्तिष्क प्राप्त है। मिनखपण में ई इण वास्तै मानव नै आप रै व्यक्तित्व रै विकास रो अवसर मिलै। इण असार संसार में असंख्य भांत रा लोग रैवै; आछे सून आछा अर हळकै सून हळका। जीवन में मोकळा लोगां सून भेटा हुवै पण केई इसा मिलै जिकां में कई खूबी हुवै, जिकी चिर स्मरणीय हुवै। एक दातारी रो रूप तो बीजो कंजूसी रो पूतळो, एक विद्वान तो दूजो ठोठ, एक हुसियार तो दूसरो भोदो, एक डोड सैणो तो बीजो डफोळ, एक ठगणियो तो दूजो ठगावणियो, इण तरै अणगिणत रूप देखीजै। केई आप रै गुणां सून ओढखीजै तो केई कुटेपणी रै कारण। पण जन-मानस पर दोना तरै रा रूप अमिट रैवै।

नामी अर विशेष व्यक्ति रै खातर 'अटारवो' शब्द प्रयुक्त हुवै। इण पोथी में जिकां चैरां सोंमें आवै, वै भी केई न केई कारण सून विशेष रह्या है। इण वास्तै पोथी रो नाव 'अटारवा' राखियो है।

ओ मन-सागर असंख्य विचार बीचिकावां सून तरंगित रैवै। इण तरंग्यां साथै कदै-कदैई मुक्तावां सून युक्त सीपट्या भी अन्तरतळ सून नीसर' र किनारै आय लागै। पूठी अनन्त में विलीन हुवण सून पैलां जे भवके मे उणां नै तत्काल ग्रहण करली आवै तो रैवै ठीक अर नई तो फेर। जद उण सीपट्यां सून मुक्तावां नै नीसार'र चोखै डोरै में, सफाई सून पिरोय'र लडो, भूमखां या माळ रो रूप दियो आवै जद ही उणां री चमक अर दमक में निखार लखीजै। पण उण मुक्तावां रो सही मूल्यांकन, पारखी भंवरी रै हाथां रै स्पर्श बिना कियां सम्भव हुवै ?

इण पोथी रै प्रकाशन में गुरुजनां री आसीत ही म्हारो सम्बन्ध रह्यो है। इण में जो फी है, वो म्हारै पूज्य पितामही, सर्व श्री पं० विद्याधरजी सास्त्री, नरोत्तमदामजी स्वामी, आसारामजी पुरोहित 'महाराज', रमणसाजी,

पं० लक्ष्मीनारायणजी, हरनारायणजी, युगलनारायणजी, श्री कन्हैयालालजी गोस्वामी, कन्हैयालालजी शर्मा, मुरलीधरजी 'राजस्थानी', अग्ररचदजी नाहटा, डॉ० माधोदासजी व्यास जिंसा समादुत गुरुजना रो प्रसाद ई है ।

श्री मुरलीधर जी 'राजस्थानी', अर श्री धीनालजी जोशी रो हूं हृदय सूं आभारी हूं, जिकां पोथी नै तत्परता सूं प्रकाशित करवायी । मास्टरजी (श्री दीनानाथजी खत्री) रै खातर धन्यवाद शब्द तो मात्र औपचारिक है, बां रै सहयोग खातर, हू घणो आभारी हूं ।

इण पोथी रो कई रचनावा हरावळ, लोक सम्पर्क, राजस्थान भारती मे प्रकाशित हुयोड़ी है । इण खातर हू सर्वश्री सत्यप्रकाशजी जोशी, जगदीशजी माथुर 'कमल', प्रकाशजी परिमल, रमेशजी जैन अर भवरजी भादाणी रो हृदय सूं आभारी हूं । श्री मूलचन्दजी 'प्राणेश' अर श्री शिवराजजी छगाणी नै धन्यवाद देणो चाऊं, जिका व्यस्त हुवता थका भी पोथी री छपाई देखण रो कष्ट करियो ।

भारती-भवन, बीकानेर

—अजनारायण पुरोहित

आखातीज वि० सं० २०३०

सूचनिका

१. गुसाईजी	१
२. काकूजी	५
३. दूलजी	११
४. पहलवान साहब	१७
५. मारजा	२१
६. सुगनजी	२७
७. हाकम साहब	२६
८. सेठाणी	३३
९. जीमाकियो	३७
१०. मुनीमजी	४१
११. कुडछी कलक	४३
१२. बाबू साहब	४७
१३. घाईती	५१
१४. पिंडतजी	५५
१५. वकील साहब	५६
१६. सनजी	६३

१७.	मास्टरजी	६५
१८.	योगानन्दजी	६७
१९.	सेठ	७३
२०.	न्यायमूर्ति	७७
२१.	ठाकर साहब	८३



गुसाईंजी

गोस्वामी त्रिपुरमोहन जी नै लोग गुसाईंजी रै नांव सूनं भोळखता ह्य । उणा रो सागी नांव बोत कम लोगा नै ठा हो । कसूबल पेचो, डुपटो गळ मे लपेटियोड़ो, कोट नीचो-नीचो, घर घोती ई नीचो-नीचो—आ हो वां री पोसाक । जूती देसी, कमीदो काढ़ियोडी पैरिया करता वै । बोलण मे भीठा जाणै मिसरी धुलियोडी ही वा री जवान मे । वै कैया करता कै धोळणघाळ नै सुणीजणो चाईजै कै हूं काईं बोलूं । ईं सरस्वती रै रैवण री जाग्यां (जवान) ऊपर दध अर बुरा सबदां नै नईं आवण देवणा । कडवो बोलण सूनं ई मरस्वती माता नराज हवै ।

गुसाईंजी आशु—कवि हा । देवी रा भगत हा घर राज मे मनीजता । खान-पान बिल्कुल सुद्ध । घर री बणियोड़ी रसोई रै अलावा मूडो कठई नईं आठणों । पाणी ई डोलजळ पीवणो । वै ठंडाई पीवता तो ई घरै । एक छटाक बिदाम, आधी छटाक पिस्ता, पाच मासा विजिया, काळी मिरचा रा च्यार दाणा अर दो छोटी इलायची नै घोट र तुगदी बणावतो, वा रो वेटो, भोर मे । फेर छाण'र लेवता, नित रै सेवा-पूजा रै काम सूनं निमट'र । वै कैवता—“भोरिया सो किरोडिया । भोरिया छाणं किरोडिया पावै ।”

वै कल्पना रो उडान भरता-भरता केई लोका मे विचरता । कदै-कदै हंसाय-हंसाय'र पेट दुखावता । एक दर्फै वै डागळ बैठा विचार-भगन हा । पिडताणी आय'र भक्तभोरिया—“खईं करो हो ?”

“घारै खडी रो समान जुटाऊं हूं ।”

“खईं बात करो ?”

“ठीक कैवूँ । हूँ सोचूँ कै हूँ बादल बरसमी, पाणी री जाग्यां दूध । फेर गडा री जाग्यां बिदाम पिस्ता, नेजा, काजू अर इलायच्यां बरसण लागसी अर फेर चालसी आंधी ।”

“जद किरकत पडमी ।”

“गुड-मोबर कर दियो सगळो । अरे, आधी में रेत रो एक कण ई नईं बरसै, बरससी खाड-ई-खाड अर फेर बणसी खडी चकान-चक ।”

पिडताणी हमण लागी । इनै मे ई वा रो बेटो रोवतो आयो अर कैयो—“कावका मोकूँ फेल कर दियो दूजी किलास मे ।”

“खईं हुयग्यो । चाल म्हारै मागै ।”

वै कपडा पँर'र स्कूल गया अर मास्टरजी नै देख'र कैयो—

“आळा-टाळा मत करो तुम आला उस्ताद
बाळक पर किरपा करो, जी बाला परसाद ।”

मास्टरजी रो नाव बाला परमादजी हो । वा राजी हुय'र कैयो कै हूँ तो काई-कर सकूँ नईं । आवो, हैडमास्टरजी कनै आला । वै, वा कनै गया । मास्टरजी कैयो—

“अै पिण्डतजी पधारिया है । छोरो थोडा सी नबरां सूँ फैल है । आप”

इतै मे ई गुमाई जी बोलिया ।—

“पास करदो मुकरजी, हूँ मनाऊ सुकर जी ।”

हैड मास्टरजी मुकरजी हा । राजी हुयग्या अर बां नै पास रो कैय दियो । गुमाई जी धिनवाद दियो अर छोरे नै कैयो—“अै कवितावा कद ताईं पास करासी, पढै नयूँ नईं ?”—आ कैय'र धरे गया ।

गुमाई जी नै एक दफै राजाजी पूछियो—“मा'राज, आपनै गाव बगस राखियो है, फेर ई रुपिया भेळा नईं हुया आप रै । काई कारण है ?”

“राजन्, काल बतासूँ ।”

दूगरै दिन बां राजाजी रै सामनै आपरै दुपट्टे मे बंधियोड़ी-खुर-पनियो अर कढ़ाळियो निकाळियो अर कैयो—‘ओ गाय जावै तगळा

रुपिया तो । भाग ऊपर बाग लगावणो पड़े, राजन !”

राजाजी देखता रैयग्या ।

एक बार बातो-बात चाली । राजाजी कैयो, —“मा'राज ! आपरा पूरबज तो इसा हा कै समुन्दर रो सगळो पाणी पीग्या, पण आज कोई माटो भरियोड़ो पाणी पीवणआळो ई नईं मिळें ।”

“मिळें क्यों नईं, हूं पी जाऊं ।”

“आप पी सको ?”

“हां-हां ।”

“तो काल आप नै पीवणो पडसी । आपरें वास्तै सुद्ध होलजळ माटै में छाणाय'र त्यार राखसी ।”

“तो वा भला”—आ कैय'र वै धरै गया ।

दूसरें दिन गढ में भीड़ लागी । घणां जणा तमासो देखण नै भेळा हुया । हाकम-मुसद्दी, सेठ-सऊकार, ताजीमी सिरदार अर उमराय जाआय'र आपरी जाग्या बैठग्या । गुसाईंजी पूगिया । वां सुद्ध माटै ई पाणी नै देखियो अर करवो भरियो । भर'र पीवण नै त्यार हुया । पण वां, आपरें दुपट्टै माय सू गड्ढा-गुळगुचिया खोल'र राजाजी नै देवता थका अरज करी—
“सम्मा पृथ्वीनाथ, इया नै आप रै हाथ सूं करवै मे घात'र तिराय देवो ।”

“बू'टी घणी पियोड़ो है काईं ? कदेई गड्ढा-गुळगुचिया ई पाणी में तिरै ?”—हंस'र, राजाजी कैयो । सै हंमण लाग़ा ।

“बू'टी नईं अन्नदाता ! आप रा माईत तो इसा हा कै पत्थर रो सिलावा नै समुन्दर रै पाणी ऊपर तिरायदी । इयै वास्तै अै गुळगुचिया तो आप ई तिराय देसो, इसी म्हनै आसा है ।”

आ बात सुण'र राजाजी मूना हुयग्या । सै जणा चुपचाप । आखर राजजी वा कनै माफी मागी अर सगळां नै हुकम दियो कै आ बात बारै नईं जावणी चाईजै । □ □

गुसाईंजी रै काफै रो बेटो गाय बेचणी चावतो हो । वै रो बाडो वां रै घर रै चिपतो हो । गाय उठै ई बन्धती । वो एक दिन एक ग्राहक नै लायी । स्वाई रो एक रुपियो लेय 'र बात पक्की करी । पण भावी

जोग इमो, कै गुसाईं जी ऊपर सूं भाखो घालियो । वो ग्राहक, वां रो जाण-कार हो । इयै वास्तै ऊपर सूं ई कैयो — “थूं लेजावेगो खंड ? ...” लेजा-लेजा अठै भूं जल्दी । याकू तो काल ई मिरगी आयगी ही ।”

आ सुण'र वो ग्राहक स्याई रो एक रुपियो छोड़'र बार निसरग्यो अर वा रै काकै रो बेटो रीसां बल्लतो आप रै घरें गयो ।

गुसाईं जी नै आप री मौत रो पेला ई पत्तो पड़ग्यो । इयै वास्तै ई वै आखरी दिनां मे घर रै मिंदर सूं बार बोलि-कम निसरता ।

सावण रो मईनो हो । वै साल राजाजी अनुष्ठान बैठावण नै तयार हुया अर वां नै अधिष्ठता बणण री कई । वा नक्कारो करियो अर कैयो — “पृथ्वीनाथ ! अनुष्ठान मे दूसरै पिण्डत नै अधिस्थाता बणावो । कार्यक्रम रै बिचाळै जे अधिस्थाता री मिरतू हुवै तो जजमान रै काम मे बाधा पडै ।” आ बात कैवतै-कैवतै वा रै आसू टपकण लाग्या ।

राजाजी वा नै कैयो — “मा'राज इया काई ?”

“अन्नदाता ! आप म्हारी तो निभाय दी, पण एक अरज है कै ओ छोरो चावै लायक है या नई, आप इयै नै निभाया ।”

“आप काई बैम मे पड़ाया ? आप केई बात रो फिकर मतो करो ।”

आ सुण'र गुसाईं जी धरै गया अर तीसरै दिन वै चिर-निद्रा मे सोयग्या । जाणकार लोगा री जबान ऊपर वा री घणी चरचा हुई ।



काकूजी

डोवटो रो कुरतो, कोरपाण धोती, देसी पगरयी, माथें ऊपर पागड़ी धारण करणआळा काकूजी गोरे रंग रा धणी हा। ठीकसर कद अर कसरत सून गठिघोडो शरीर बां रै लावे जीवण रो कारण हो। बात-बात मे बात कंवता पण कमाई करण नै करम कदेई साथ नई दियो। केई जागा नोकर रैया, तगादे रो काम कियो, जमालरच चोगो जाणता। पण पगा रा बावसावर गिणीजता। इयै वास्ती सेठ-सऊकारां रो मन नई करतो वा नै आपरै अठे राखण रो। सै बां नै नोकर राखता डरता।

वै सैर मे वड़े-बड़े ठिकाणां पर पोंचता, इयै वास्ती लोग थां मून डरता रैवता कै वै वो रो निन्दा कठेई नई कर देवै। ओ ईजं कारण हो कै काकूजी नै केई दान खाना मून खिरणी मिळ जावती, मोकै-टोकै।

काकूजी ओधार लेय 'र पूठी देवणी नई सीखिया। कंवत ई है—

इयैमौलै रो आ ई रसम
लेय'र देवण रो सब रै कसम।
एक ई जे लेय'र दियो
सगळै मौ'लै नै बदनाम कियो ॥

इयै वास्ती वै जलम पतरी देखणआळं नै कंवता—“कमाई रो जोग नई हुवै तो कोई चित्या रो बात कोनी, पण ओधारेस किसो 'क है?’ ओधारेस रो मतलब ओधार सून हो। वै कंवना कै-ओधार मिलबो-करै तो फेर कांई चाइजै। ओधार रो किसो मणो है? बडा-बड़ा बक

ई तो, ओधार सूँ ई चाले अर फेर मरदा रा देवाळा तो मसाणा मे ई चुके ।

वा नै जे कोई तगादो कर देवतो जणै वै री शान किरकिरी कर देवता । एक दफे एक तगादगीर उवा नै तगादो कर दियो । बस, फेर काई ढील ही उठे ? भट कैंयो—“थारै सेठ रै रुपिया इसा खुडपग्या है कै—जद सूँ एक सो सित्तर रुपिया लिया दोय सँ री चीट्टी लिख 'र, उवै दिन सूँ एके डब्बल री कमाई नई हुई । तूँ सावचेत रैये ।” आ सुण 'र लोग भेळा हुयग्या पण वो तगादगीर उठे मूँ जाय चुबधो हो । कळकतै रो एक आसामी काकूजी मे रिपिया मागतो हो । वै धीरज सूँ रुपिया मागिया । काकूजी वै नै दो दिन बाद रेलघाट आवण री कैई । वै दिन वै उठे सूँ खाना हुवण आळा हा ठीक दिन वो आसामी रेलघाट पूगो । काकूजी डब्बे में बैठा हा । वै नै देख 'र कैंयो कै असल अर व्याज फळाय 'र बतावो । उवै भट बताय दिया । पण वै इया किसा रुपिया देवता ? चीट्टी देखण नै ली अर गाड़ी खाने हुवत ई चीट्टी नै जरड-जरड फाड दी । वो देखतो ई रैंयो । काकूजी चलती गाड़ी मे ई वै नै कैंयो कै नित-नित रो सुख-दुख मिटग्यो । आ चीट्टी फोड़ा घालती । देखता जणै जी हड़ड़ा लेवतो । अबै हुयां सूँ राखीं कोनी अर नई हुया मूँ चामड़ी काट 'र दिरीज कोनी ।

काकूजी रोज व्यायामसाळा जावता । पण तेल-सावण घर सूँ कदेई न ई ले जावता । आतो कई नई, पण वै तो लंगोटा ई दूसरां रा अजमावता । वा री इयै आदत मूँ तग आय 'र एक बार उस्तादजी कैंयो—“रोज छाती छोलो कदेई सेर भर तेल सावण री मन मे आवै ?”

“मन मे तो कदेई नई आवै पण आप हुकम करो तो सेर भर काई एक सो एक कर दूँ ।”

“काई एक सो एक कर देवो ? बात्था मे पायली । एक सो एक तो घणी बात है, पैला एकसेर तेल तो लाय 'र बतावो ।”

“एक सेर काई ? एक पीपो लावूँला जिको पूरा एक सो एक हुय जासी ।”

“क्या बात करो गैलाई री ।”

“वाह माय वाह । इयें में गैलाई री काई बा हुई ? सौ मांगण आळा तो है ई, एक तेज रो पीपो भळै ले आइस, जिकै सूं पूरा एक सौ एक लेवाळ हुय ज्यामी ।”

“आ बात सुण 'र उस्तादजी वां रो मूंडो ताकण लाग्या ।

□ □

काकूजी केई नै ई अंटी माय सूं एक डब्बल ई देवणो चावता नई । वैं तो जबान री लपालपी मूं ई काम निकाळता । घणां बरसां री बात है कै वां रैं पोतो हुयो । वैं डूमां मे रैवता हा, इयें वास्तै डूमण्यो भट पौंची, थाली री भणकार सुणता ई ज । वां काकूजी नै बघाई दी अर आपरी राग अलापण लाग्या । ढोलक ढमाढम खड़कण लागी । लोग आवण-जावण लाग्या । घणी देर गाय'र वैं कैवण लाग्या — “खिम्मा अन्न-दाता ? धिन-धिन धारा भाग, आज सोनें रो सूरज ऊगियो । धिन बिरा हा, तो अबै म्हारी ई सुणाई करो अन्नदाता ! म्हें पाडोसी ई हूं । बड़ी खुसी हुई ।

“बगसीस कांयरी ?” काकूजी इचरज सूं पूछियो,

“आपरै पड़पोतां री जागा पोतो हुयो है, म्हानें बड़ी खुसी हुई है ।”

“तो इयें में कई बात हुयगी बगसीस री, थै म्हारी पाडोसण्यां अर हित चावण आळधां । थानें खुसी नई हुसी जद किणनै हुसी ? धामें अर म्हां में फरक काई है अर सरो भरो किसी हुवै कोयनी ? थारें पोतो हुवै जद म्हे आय 'र थारै गाय-बजाम जासां ।”

आ बात सुण 'र डूमण्यां आपरै रस्तै लागियां ।

फेर बारी आई पिडण्तजी री । वां बेळा ली, टेवो बणायी अर लिलाड़ मे “सळ घाळ 'र कैयो — “पायो लोत्रे रो है ।”

“तो चोखो कांय रो हुवै ?”

“चोखो तो चादी रो हुवै ।”

“तो अबै इयें टेवै मे चांदी रो पायो ई लिखिया । हूं थारो हूं थै म्हांरा हो । पोतो आपा रो है, कलम आपां री है, मजासणो अर रघाई

आपारी है, कागद ई आपा रो है फेर लोहै रै पाये री काई मजाल कै अवे लिखीजसी अवे तो चादी रो पायो ई लिखीजसी।" पिङ्तजी तो देखण लाग्या।

□ □

काकूजी खरी कैवण मे ई नई चूकता, एक दफै एक सेठ हरद्वार मे मरियो। लोग कैवण लाग् के देखो सेठ कितो भागी हो कै हर री पेड्या ऊपर शरीर छोडिचो। आ बात सुणताई काकूजी पूछिचो—“अरे। उठै क्या गिडक को मरैनी?” कैवण आळै मिनख रो मूँडो उतरयो।

वै जीमण रा भी ड्रेमी हा। एक दफै वै एक बीद रै साथै वै रै सासरै (जवाई-जीमण रै दिन) गया। रस्तै मे एक जणै टोकियो कै जवाई-जीमण मे तो आप रो जावणो बेवाजबी है। जद वा केकैयो तूँ तो साफ मूरख है अरे, बीद तो हमेशा ई बडा हुवै। इयँ वास्तै ई तो वै नै बीद राजा कैवै। धारो हियो हाथ हुवैला? अर धनै आ ठा हुवैला कै बीद जे बडो नई गिणीजै जणै बारै वरसा रै बीद सागै अस्ती-अस्ती वरसा रा डोकरा जान-जीवण नै क्यो जावै?” अवे कोई वां नै काई कैवतो?

काकूजी सूँ व्यायामसाळा मे रौनक रैवती। वै कसरत कम अर बात्या घणी करता। बात्या मे ई रस आवतो। एक दफै अखाडै रै बार मजमो लाग्योडो हो। जमानै री नाट्या चालती ही। सगळां कैधो कै जमानो टेडो आयग्यो।

“आ सुण 'र काकूजी बोल्या—“हा-हा, जमानो बडो टेडो आयग्यो। वो जमानो धणो ठीक हो जिकै में भीसमजो बैठा, युधिष्ठिर, अरजुन, भीम, करण जिसा दिग्गज बैठा अर द्रौपदी री घोती दुष्ट दुसासण खीच रैयो हो वा चिरळाच रै ई ही पण सै जाणै मिट्टी रा माघो हा। पण आज जे कोई इयां दूसरी लुगाई री हालत करे जणै जावणो पई जेल भट कै दी जमानो टेडो।

आ सुण 'सै जणा चुप हुयभ्या अर पिछै हसण लाग्या।

□ □

काकूजी लोगां नै भोडू बणाय 'र ई आपरो काम काडणो जाणता हा। एक बार वै बाजार जावता हा। हाथ मे गूणियो खाली। रस्तै मे

एक हवेसी हो । वैं में वारा जाणकार वकील साहब रैवता । वैं नूँघा ई हा घर काकूजी री पूरी विगतवार सूँ भणजाण हा । वैं गोखें में ऊभा हा । काकूजी नैं देरा'र पगेतागणा सिपा । काकूजी भासीस दीवी घर ऊपर गया । वकील साहब कमरें में बैठाया । काकूजी ऊपर—हेठें देतण सागा । वकील साहब पूछियो—“कई देगण लाग्या ?”

“हू इयं पोय्यां नैं देखूं हू । भैं काईं चीजरी है ?”

“भैं फंसला है हाई कोटां रा । केई प्रिवी-कोसल रा फंसला है ।”

“प्रिवी कोसल रा ?” इचरज सूँ काकूजी पूछियो ।

“हां—हां । म्हानें में पढ़णा पडै ।”

“जणें तो भाप विलायत तक रो कानून जाणो । जद ईज तो भाप रो नाव हुय रैयो है । भवें बतावो कैरी मा सूँठ साईं है जिको भाप रो मुकाबलो करे ।” भा कैय'र वैं टुरण लाग्या । पण दूसरें ई सण भिन्नक 'र ऊभग्या । पागड़ी रैं पेच नैं देखी तो खुसो । मूँडो धोळो फक्क हुयग्यो । जवान सूँ कैयो —तिसकग्यो ?”

“काईं हुयो ?” वकील साहब पूछियो ।

“हुवतो काई । बडी पर चढ़ाय, है आज बापजी रो सराध है । धी लेवण नैं चोटै जावतो, रसोइयो परे उडीकतो हुबंला । दस रो लोट हो, तिसकग्यो कठईं ।

“कठें पडियो ?”

“आ काईं ठा । पण अगै घरें कजै जाईस खुडिया खुतरतो । रौर मला मागता सरम तो आर्य पण काईं भुपाव ? हुय सकै तो दस रो एक लोट दे दो, सिझ्या नैं पूगतो कर देईस । गुंजायस हुनै तो दिया ।”

वकील साहब विचारों जेब सूँ एक लोट दस रो वारा रैं हवालै करियो । काकूजी वा भैं भासीमा देवता पगोधिया सूँ उतरिया पण वकील सा 'व रो लोट आखर में तिखीजियो बट्टै-खासै ।

दूसरें बिस्व युद्ध रैं समै एक जणै बातों-बात में कैयो कै जापान ऊपर बम्ब रा गोळा पडिया, आ बडी बात हुई । भगवान मुणली । जे कळकळ में राखस इसो कवाडो कर लेवता जणै काईं बचतो ?”

काकूजी भट धोलिया - “भरे ! शिखर आळै नै फिर है ।
 पण जे कदास काई किसी ई हुय ज्यावती तो बचतो कई कीकर पूछो ?
 जे हिन्दू हुवतो तो “बचतो गरुड़ पुराण” अर जे मुसलमान हुवतो जण
 पढ़ीजतो फातियो ।” इयै उथळै नै सुण ’र सगळा जणां हंसण लाग्या ।

लारलै दिना मे काकूजी विल्कुल बदळ्म्य । वा हरि भजन मे
 चित्त लगाय दियो । मिलै जिकै नै ई कैवता कै टिगस तो कटायोडी है,
 गाड़ी आई कोनी । एक बात भीर है कै बै तो (यानी जमरा दूत तो)
 उंतावळ मे आवै अर ‘समन’ ई वाणिकै में लिखियोडी लावै । इयै वास्तै
 गलती कर देवै । ‘काकूजी’, री जागा इयै वास्तै ईज तो कदेई काकाजी
 नै ले जावै अर कदेई काकीजी नै ।

आपा नै आखर एक दिन तो सगळां नै ई मरणो है । ऊभा है जिका
 नै आडो हुवणो है अर इयै वास्तै जे काकूजी परलोक पधारिया तो इयै
 मे इचरज किण बात रो ?



दूलजी

सैर रै मांयलै पासै हडमानजी रै मिंदर खनै एक बाबोजी रैवता हा । गोरो रंग, डीगो कद, भुरघां पडियोडो सरीर पण कान्ति सूं भरपूर चै'री हो, दूलजी रो । घर सूं निसरता जद छोरा 'पगैलागूं बाबाजी, पगैलागूं बाबाजो' कैवण लागता । वै भी रीस जतावता थकां उथळो देवता—“कूड़ा कठैराई, निसरमा टोगड़ जलमग्या । पगैलागूं-पगैलागूं करे । आ नईं भूभै कै साबैला पगैलागै । अ पड़िया पग, लागै भी कोई पगै आय'र ।” इया घर सूं निसरतै ई चोळकौ सुरू हुवतो ।

दूलजी मसखरा भी हा । एक दफै एक मंगल रो पानो पडग्यो, उणा सूं । वै गिड़गिड़ायर कैयो—बाबू सा० ! दोत गरीब हूं । दो दिन सूं भूखो हूं । की-न-की

वै री बात पूरी सुणियां विना ई वै आगै बघ'र कैवण लागा—“लै, बटका भर लै म्हांरै !”

“हैंमाई वा प..... !”

“हां-हां सुणली घारी । धारै तारै हूं भगवान सूं बैर मोल लेऊं काई ?”

“इयै मे भगवान सूं बैर मोल लेवण री काई बात है ?”

“थनै काई ठा बन्ना ! अजै सैर में ठग-ठगर खायो है । भगवान पनै धारै करमां रो फळ देवै अर हूं बीच में थनै जे रोटी-बाटी देऊं तो भगवान सूं बैर मोल लेवणो हुवै का नईं ?”

बापई मंगते नी भूँटो उतार'र उठे सूं जावणो पड़ियो ।

एक बार चां रे सगै परसंगी भजाक में कैयो — “घारी भाजी रो नातो म्हारे बापजी सूं फर देवो ।”

“घणी चोखी बात कैयो आप ! नेकी घर पूछ-पूछ'र पण ?”

“पण काई ?”

“ ‘पण’ आ कै यानै बापजी चाइजै है या नई ? उफतभ्या ह्यो तो आ कै देवो !”

“कयो ?”

“कयोके म्हारी भां तो भिनख सावणी है । म्हारे बाप नै ई सरग भेज दियो ।”

ओ उचळो सुण'र वो आदमी तो जाणै हिमाळो हुयग्यो । दूल्जी धै समै भर जवानी में हा ।

दूल्जी घर में दुतरफी घालता । बेटा नै कैवता — “इयै बीदण्यां रो भरगस भरिया करो । बांइघां है अ, नई” तो रोटी सुख री मिलणी मुसकल हुय जावैली ।”

अर बेटा नई हुबंता जद बीदण्या नै कैवता — “हूं तो इया ई कैया करूं हूं । थै रोस मत करिया ना । अ छोरा म्हने टघूसन कर'र पूरा पइसा थोड़ा ही बोनावै है । थै भाड़ लिया करो, नई” तो अउताई में गमासी ।”

दूल्जी खुसदिल हा । एक दफै एक दरजी वा री गळी मे दुकान खोलली, वै उण खनै कपडै रो थान लेय'र गया अर कैयो — “तू म्हारे पाड़ोस मे आयो है, इयै वास्ने म्हारो फरज हुय जयावै, दो पइसा थनै ई पैदा करावण रो । म्हारे छोरा रे ‘हा-पैटघां’ सीवणी है । बोन, काई लेईस ?”

“च्यार-च्यार आना ।”

“तो ठीक भला । ले ओ कपडो । छोरा नै बुलाऊ ।” आ कैय'र बा हेलो मारियो —

“आवो रे भैरिया, गोरिया, काळिया, चूनिया भूनिया, फूनिया, भालूडा ... । हां-हां अठे आवो इयै कारीगर री दुकान में ।”

दूलजी री अवाज सुणतां ई सात जणा दरजी री दुकान मे बडिया । बां नै देखेर दरजी कैयो कै—“छोरां नै बुलावो ।”

“अै छोरा खड़ा है नी । नैप ले ।”

“अै छोरा है ?”—इचरज सूं दरजी पूछियो ।

“छोरा नईं तो म्हारा बाप है ? म्हारा बेटा है, अै सातूँ । नैप लेवणो पड़सी । जवान सूं तो बेटा-बेटी परणीजै ।लै जल्दी नैप ले । काल तो इया नै खेलणो है म्हारी टीम मे ।”

दरजी नै बां छोरां रै आखर मे सीवणी पड़ी ‘हा-नैट्यां, च्यार-च्यार भानां मे पण पछै बै नै वा गल्ली ई छोड़णी पड़ी ।

□ □

दूलजी, आप आळां नै चावता । इयै कारण एक बार बा में घणी खोटी बीती । बांरी जवानी में एक इसी ई घटना घटी । वै आपरी काकी री सीड़ी खातर सिणिया-बांस लेवण गया । सिणिया-बांस लेयर वै सुघारां री गुवाड़ मे पोच्या अर एक घर रै मोड़ै भागै मेल’र आवाज लगाई—“मिनियो है कई ?”

“हां, आऊं ।” आ कैय’र मिनियो भट भर सूं चारै निसरियो । पण आवतै ई कैयो—“ओ काई करियो । म्हारै घर भागै अै किसा सुगन करो हो ? इयां नै हटावो परा अठे सूं किरपा कर’र ।”

“म्है जाणियो कै तूं घर रो सुघार है, गाता करण री मजूरी रा दो पईसा घनै ई पैदा कराऊं । दूसरै नै पैदा करावण मे काई सार ?”

“पण इयै रा गाता करण आळै रो घर तो सिणिया-बांस री दुकान खनै ई है । आप पूठा उठे पधारो ।”

आ सुण’र दूलजी पूठा टुरिया । रस्तै में लोगां पूछियो—“दूलजी पूठा कियां !”

“वा तो उठगी । जीवती नै बाळां काई ?”

.... इयाँ कैयूर आपरी गलती न छिपावता वैंगता करायर दूसरे मारग सून आपरै थानै-मुकामे पौंचिया ।

दूलजी रै एक बेटे कैयो—भा ! अजकाल चोरघां बहुत हुबै, आपनै ई जाग राखणी चाईजे ।

“अरे ओ टोगड़ ! चोर आसी काईं लेवण नै । वो आयर रसोई मांय सून भूंगळी अर चीपियो भलाई ले जाया । पण और समान लेवण री ताव वै री नई पड सकै । जिकै कमरे मे बडसी वै में ई भूत ज्यों मूता लाघसो थे, अर थारा बीरा ।” ओ उथळो दूलजी दियो ।

दूलजी दुनियां देखी ही । वै उकत रा पूतळा हा । जीमण जावता जण आपरै मोतै नै ऐंढो ले जावता । वो बडो दीसतो, इयै वास्तै वै उण नै ‘हापेन्ट’ पैरायर ई ले जावता । वै कैवता कै—सूयण सून बडो दीसै ।

दूलजी जीमण में तीखा हा । वै कैवता कै पैना मीठो, मीठे-सून खावणो पछै भुजिया सून वाद में पूड़ी सून अर आखर मे फेर मीठो, मीठे सून चलावणो । वै पूड़ी रो पुरसारो नई लेवता । जद कोई पूड़ी रो पूछतो जद कैवता कै म्है किसा बीमार हां ? पूड़ी तो (पुड़िया तो) रोगी लेवै । जद बांरो पोतो पूड़ी मांग लेवतो तेद वै बकैता अर कैवता कै घर मे आटो घापर खावै कोनी काई ? निठ तो पिण्डो छूटै है आटै सून अर तू फेर आटै सून माथो लगावै अटै ई । जे कदेई बां रो पोतो दईबडा मांग लेवतो तो वै कैवता कै काईं चीलछा खावै है । ओ तेल नारा चीटा तो घर ई धणवाय देसू । छछ घणी ई मिलै मांगियां सून । घापर घरै खायलियै ?

दूलजी पक्का हा । वै कैवता कै म्है घणी-ई ताती-ठण्डी देखी है । जे कच्चो हुवतो तो चीमासा कीकर मैवतो । पडको जावतो नी ?

दूलजी कई अटकल्यां जानता । एक दफै चां रै बेटे नै उठावण नै वै रो एक साथी—मास्टर आयो । वै हेल करणा सुरु करिया । पण रात घणी हुयमी ही, इयै वास्तै पूठो उथळो शुण देवतो । दूलजी बार

मिंदर भाळो चौकी ऊपर सूता हा । भट उठिया अर पूछियो—“कुण हुसी ?”

“ओ तो हूं हूं बाबा ।”

“अच्छा मास्टर जी ।”

“हां, पगैलागूं । फूनिंयै सूं बात करनी है । दिनूंगै स्कूल में इन्स-पेक्टर साहब आसी ।”

“तो इसा उठाय लियो फूनिंयै नै ? ठैरो, हूं हणै जगाऊं ।” आ कंय'र वा हेलो मारियो—

“अे फूनिंयै री बऊ, थारो मां नै बिच्छू खायायो, -थनै तेड़ो आयो है ।”

आ बात सुणता ई फूनिंयो अर वै री बऊ घम्म-घम्म करता हेठै उतरिया । पण दूजगी भट कंयो कै थानै उठावण नै ओ हेलो करियो । फूनिंयै रै घै साथी—मास्टरजी आया है । मास्टरजी देखत ई रैग्या ।

जिन्दगी रै लारली दिनां मे वै कंवण लाग्या कै “हे हड़मान बाबा ! अबं म्हारी सुण लो । इयै माघ मे आवण थाळै सावै सूं पैलां म्हनै उठाय लै ।”

दो-ञ्चार बार तो बेटा सुणाई करी कोनी, पण जद वै उठता-बैठता आ-ई बात कंवता जणै वा रै बडोडै बेटे पूछियो कै थानै काई तकलीफ है भा । इयां किया करो अजकाळ । कोई बात हुवै तो फरमावो ।

“.. तो म्हनै अबं भीत्यां में विणवासो का देवली वणवासो म्हारी ? मरणो तो एक दिन है ई अर म्है तो खूब खाम-भीय लियो । अबं न्याल हुय ज्याऊं ।”

“आ बात तो ठीक है कै एक दिन जावणो तो है, पण आपा कयो फिकर करा, हाकै फिकर करगी जमराजा ।”

“पण जमराजा नै याद दिरावां । कठै ई म्हारी चीठी ऊंररा तो नई धीम तेग्या हुवै ।”

“पण ओ सावो तो सुख सूं देखलो ।”

“सावा तो घणा ई देखिया । अबै थारै सुख करणो चाऊं, सावै मे । कारण कै सोग रै व्यांव मे थारै खरच कम लागसी अर एक बात और है कै म्हारै पितरामेळै-भाइपै मे ई थारै दो तीन सै रो स्वार हुय ज्यासी ।”

“काई कैवो हो ?”

“ठीक तो कैऊं हूं । थानै ठा हुवला कै आपारै घर मे चंवरघा भंडसी छव । अर जे हूं सावै रै बाद मरसूं जद छव जंवाई बघसी, जीमण भाल्ला । अर एक-एक जणो दस-दस, बारै-बारै सूं कम साथै नई लावै । इयै वास्तै थारै सौ पूण सै आदम्यां रो खरची बचसी । रीत-कांसा देवण मे ई बचत हुसी ।” आ बात सुण'र सै खिल खिलावण लाग्या । वा रा बेटा बां रै खानी टुग-टुग देखण लाग्या ।

पहलवान साहब

बल बिना संसार में होवै नईं आदर कईं
जर जमी जोरू कदै हरगज बली खोवै नईं ।
हार खाय दुस्मण सूं हरगीज बली रोवै नईं
कुस्ती अर कसरत बिना हरगीज बली होवै नईं ॥

धै टोळ्या 'व्यायामसाळा' रै अखाडै ऊपर लिखियोड़ी है । उठै रो वातावरण ई इसो हुवै के शरीर ने बलवान वणावण री मन में इच्छ्या हुवै । अर पहलवानां नै 'जोर' करता देख'र तो मन आणंद री हिलोरधां लेवण लागै । सौ-पच्चास उठ-बैठ लगाय'र, दो-चार हाथ मोगरधा रा धुमाय'र बूकिया फूलाय'र, मलमल रै चोळै मांय सूं सीनो ताण'र चालणआळा, खुरसण्डिया पहलवान तो आप रो मन राजी करिया करै है पण असल मे पहलवान वो ई हुमा करै, जिको बळ सूं भरपूर हुवण पर भी नम्र हुवै, चोखै चाल-चलण रो हुवै अर हार-जीत नै ऊमर भर नही डोवै ।

पहलवाना रो कार्यक्रम ई इसो हुवै जिकै मे कसरत करणी, जोर करणो, खुराक खावणी, अर नींद लेवणी । तीन बज्या आभरकै उठ'र, निमट'र, कुरला कर'र आदमकंद काच रै सामे 'हुं हुं हुं हुं' मुख हुवै अर भोर हुवण तक ढाई-तीन हजार रो गिड़को लगा'र निचीता हुवै, डड-बैठक लगाय'र । फेर जोर कराईजै, आयोडै छोरा छण्डा नै । अर फेर ? फेर दो-तीन जणा नै कमर ऊपर बैठाव'र अखाडै में चक्कर लगावणा पड़ै । पण अखाडै सूं चार नीसर'र मिट्टी भड़कावतै ई मिदामा नै दूध में छाणियोड़ी

ठंडाई तयार रैवै । फेर आराम व्यायामसाळा में ई । हां, फेर मालिश रा दो हाथ लगाईजै । अर जीमण नै बैठै जणै पाव-तीनाना धी मे सिकियोडो कवो आटै रो, बिदाम रळियोडो ।

सिइया फेर तीन बज्या सूं सागो धन्धो ।

बल रै सागै कळ ई चाईजै । कळ रो काम बळ सूं नईं चालै । आंधो जोर बिना डाव-पेच कईं काम नही आवै । आप रै जोर सूं आप नै ई पडणो पडै, अखाडै मे । इयै वास्तै केई-केई डाव अजमावणा पडै । डाव पेटेंट करण रै सागै-सागै 'काट' रो ई अभ्यास करणो पडै । मुलतानी टाग, काळाजंग, अण्टी, घोवी पछाड, बगळी इत्याद केई डाव पहलवानां रै पेटेंट हुवै । वां रै डाव ऊपर आवतै ई जाणै धड़ाक सूं ढाई मण रो बोरी नीचै पडी है । हाथ मिलावता ई पहलवान एक दूसरै नै तोल लै ।

आज-काळ पहलवानी करणी घणी महंगी पडै । तीन चीज्यां खावण नै मिलै—लालचन्दजी, डालचन्दजी अर आलचन्दजी—यानी लाल गेहूं, डालडा धी अर आलू रो माग । अबै बत्ताओ, हुसी कमरत ? अर बिदाम रा भाव सुणतां ई 'सीधो-दाऊ' चढै । दूध रो जाग्यां मिळै चाय । वैं में ई नाप रो दूध—एक कप मे सोळै टोपा । रोटचा मिळै छम-छम्मा भात, चिमचै रो लारलो पासो खाली रगडियोड्यां । जमी मांय सूं ऊगै कोनी, इत्तै तेल-लूण-लकडी रा भाव जाणणा पडै ।

पण पैलां लोगां नै सौख हो । वैं ममै एक पहलवान तयार हुया—एक छोटी सी बात ऊपर । वां नै आज तक लोग पहलवान साहब नांव सूं पिछाणै । बात आ हुई कै एक बार वा रा पिताजी दंगल देखण नै गया । नामी पहलवानां रो एक जोडी अखाडै मे लड रही हो । मोकळा जणा भेळा हुयोडा कुम्सी देल रैया हा । इत्तै में ई एक अबाज गूंजी—
“शाबास, काळूसिध ।”

आ आबाज पहलवान साहब रै पिताजी रो ही । बग बात बघगो अर काळूसिध सूं लडणआळै पहलवान तानो दियो कै घरआळै बेटै नै तयार कर'र लड़ावो, जणै ठा पडै । आ बात पहलवान साहब रै पिताजी रै

खटकगी। वैं घरे गया अर बेटे नैं तयार करण रो निश्चै कियो। दो ब्यार दिना बाद ई बेटे नैं आसीस देय'र कानपुर भेजियो। सागैं दोय भायला नैं भेजिया। रुपिया री कमी नईं ही उठै, भगवान री दया ही।

पूरे अठारैं मइनां बाद वैं तयार हुय'र सैर आया। लोगां री बाक फाटगी, पहलवान साहब रैं भीम जिसें धारीर नैं देख'र। पिताजी आसीस दी, शुथकारो घालियो, आखर वैं पहलवान सूं कुस्ती तैं हई।

कुस्ती रैं दिन अखाडैं में भीड रो पार नईं। दोनों खानला तयार हुय'र पहुँचिया। समैं हुयो। दोनूँ जणा लंगोटा-कछणी कसियोड़ा अखाडैं मे उतरिया। वो पहलवान आपरैं उस्ताद रैं पगै पड'र बोलियो “या अली” अर पहलवान साहब आप रैं पूजनीक पिताजी रैं पगै पडिया अर अखाडैं मे कूदता ई “या बजरंगी” री हुंकार करी। फेर कांईं ढील ही? भट सूं हाथ मिलाया अर डाव लागणा सुरू हुया। पैलाआळी पहलवान टाग मारी, पण पहलवान साहब टांग बचाय'र, आंग्व भंफै इत्ती देर मे ई वैं नैं उठाय'र इसो जरकायो, जाणै सिला पटकी हुवैं, अर एक छिण मे ई चित्त कर'र वैं ऊपर बैठ'र बोलियो—“क्यों छोड़ूँ? हुयणी कुस्ती?” अँ सवद सुणना हा कै जनता अखाडैं मे कूद पडी अर पहलवान साहब री जै-जैकार सूं आकाश गूँज उठियो।

वो दूसरो पहलवान ई कम तगड़ी नईं हो, पण जमी जिकै नैं वर देवैं, वो ई जीतै। इयै वास्तै वैं पहलवान, वैं दिन सूं ई कुस्ती लडणी छोड दी।

पहलवान साहब रो पूरो नांव आसारामजी है, पण वा नैं मा'रजा भी कैया करै। कसूँबत पेचो, घोळो चोलो, गळैं में दुपट्टो धारण करण आळा मा'राज हिरदै रा दयालु है। वैं ईश्वर रो भजन करै अर हरेक री पीड़ मे आडा आवैं। अखाडैं रैं सगळा जणां नैं आप रा टावर गिणैं। वैं अजै ई जाणै कूदता चालैं।

मा'राज रैं जीवण री आ विशेषता है कै इत्ता बडा पहलवान हुवणै पर भी वां कदेई केई सूं राड़-भोड नईं करियो। वां रैं खुद रैं ब्योपार है, गद्दी है अर ब्यापारियां मे वां री पूरी साख है।

एक बार री बात है के मथरा रा दो नामी पहलवान (भाई-भाई) व्यायामसाला में पूगिया भर मा'राज सूं जोर करण री इच्छा प्रगट की । मा'राज वै समे घर सूं आया नईं हा । इयै वास्तै वां नै ठेराया भर सिध्या-दिनूंगे मे जोर करावण री बात उठै बँठोडा आदम्या कैयी । खैर भला, मा राज नै घरे भट सूचना भिजवाय दी । मा'राज वै समे आयाई नईं गया ।

सिध्या नै सगला जणा बँठा हा । गप्प-मप्प चाल रईं ही । वै दोनू पहलवान ई बँठा हा । इतैं में ई एक महानुभाव व्यायामसाला मे बढिया । वा नै देखतैं ई एक जणै फई—“आवो सेठा, क्यों जोर करसो ?”

“विचार तो कम ई है ।”

“काईं कम है ? मथरा रा श्री पहलवान आया है । मा'राज सूं जोर करणो चावै, पण मा'राज गांव गयोडा है, इयै वास्तै आप ई रमाय देवो, थोड़ी ताळ ।”

“तो सगला री ज्यां मरजी ।” आ कैय'र वा कपड़ा खोलिया, लंगोटो कसियो भर कच्छी चढ़ाय'र आखाईं मे प्रवेश कियो । वा माय सूं लूँठो पहलवान ई भट तयार हुय'र कूदियो, आखाईं मे । दोना हाथ मिलाया भर जुटग्या । फेर 'सेठा' डाव लगायो भर वो पहलवान चित्त । बस, फेर काईं ढील ही उठै ? भट आवाज आई “व ह-वाह, मा'राज !”

आ आवज सुण'र वै पहलवान नै चेत हुयो के सेठ दीसण आळ जिण पहलवान सूं वो लड़ियो हो वै मा'राज ई हा । वो घणो शरमिन्दो हुयो ।

मारजा

बालू सूँ निसरै तेल चावै ऊट समुन्दर पार जा ।
 अरे सच तो हुय जाय भलाई, भोजन तजै न मारजा ॥
 मिसरी छोड़ै मधुरता चावै रैण चांदणी हुवै अमा ।
 सौ योजन भी दूर होय पण भोजन तजै न मारजा ॥

‘मारजा’ जद गळी-मुहलै सूँ निसरै जणै ‘पर्गलामू’ मारजा ...
 पर्गलामू’ मारजा’ री भणकार काना मे पड़ै । ‘जीवता रैवो, खुश रैवो
 री आशोस मारजा देवता बँवै । वै महाजनी रा घणा जाणकार अर पढावण
 नै बहुत हुगियार है । ट्यूशन करणै सूँ इत्तो लगाव कै नई केई नै ई कै सकै
 नही । मित्तर बरसा री ऊमर ताईं दिनूंगै चार बजी सूँ साढ़ी दस
 बज्या ताईं चू चावता रैवता अर स्कूल मू आयैर फेर पाच बजी सूँ रात
 नै नव बजी ताईं बाई माळणी, पण फेर ई घापता कोनी, वै । एक री
 कसर अदीतवार नै निकालता । आखर सित्तर बरसा में रिटायर हुया स्कूल
 सूँ अर बेटा रै कैयां सूँ ट्यूशन में कमी करणी पड़ी । अर्ब चार सूँ
 बेसी करण री सोगन खाई है । वै कैया करै कै ट्यूशन करणै आळां रै तीन
 मइना घातीक हुवै—अक्टूबर, नवम्बर अर दिसम्बर । इण रै बाद जद जन-
 वरी आवै अर दिन बघणा शुरू हुवै, जणै भहारी खुशी ई बघणी शुरू
 हुवै ।

माथे पर बोदी सीक चीटो जमियोड़ी काळी तम्बो टोपी, स्याळ

आयोडो कोट, मैली पोती घर पगा में दो तरें भी जूनी पैरियोड़ा घर हाथ में चटो घटो (टाइम पीग) लियोड़ा मारजा घना प्रभिय है।

मारजा लैण-देग ई करै। रपिया घोवार देवग रो घर फेर दावा-फरियाद कर र तामोल्या कगवण रो वा नै मोक है। वां रो एक बेटो कैया करै के म्हारे भा जो नै समाजवाद रा अगुवा समझणा चाइजे के आपरे घन रो पैला सू ई बटवारी कर दियो, जहरत मंदा में। पण मारजा ब्याज रो एक टपको छोछण रो टैम ई घना भुगी ह्वै। व ई कैया करै के मिनग कमावै आठ घण्टा घर ररिया कमावै चोईस घण्टा।

मारजा आधा बकील है। व पैदल कचेडी जावै, इयें पिचत्तर रो उमर में। जूता पैरण रो अभ्यास तई। घणा कैयें जणें आजकाळ 'पगरवी' परें घर वियें नै आगें जाय'र हाथा में ले लें।

वा नै एक बकील ई इसो मिलियोड़ो है जिको बिया सू छरै। वो 'पुराणी बकातात' रो परीक्षा पास है। व ई एक दिन मारजा नै दबो जवान सू कैयो के च्यार घण्टा हुयग्या, आपरा दावा लिखतो, अबे कईं गरमास तो मगावो। आ सुण'र वा गूजै भाय सू दोय लीग निकाळ'र व नै दिया अर कैयो के भगली गरमास तो द्या में ई है।

मारजा रो आदता सू घणा सी हाकम ई जाणकार रैवै। कदेई इयें रो फायदी ई मिले। वा (मारजा) एक दफै एक जणें ऊपर दावो करियो। व मुदायलै जवाबदेई करी के रुपिया रै पेटै मारजा नै दूध पाय दियो। इयें वास्तै गवाया भुगती। आखर में बहस हुवण लागी। मारजा रै बकील बहस करेता यको अरज करी—“गरीब निवाज गवाया सू तो मुदायलै री जवाबदेई भूटी हुय ई जावै पण आप एक दांत रो गौर फरमावो के मारजां किसी पोसाक परै अर वां रो आदत काई है? जब मुद्ई दूध पीवणो शुरू कर देसी तो फेर मुदायला नै दूध पीवण रा सोसा ई पड़ती। मुद्ई पईसा बचावै गेट भोम'र अर मुदायला दूध पीवै, रबडी खावै अर मौज उड़ावै, व जिस मक्कीवूसा खनै करज लेय'र ब्याज रो लोभ देखाय'र। आखर मारजा जीतिया, व मुकदमे में।

मारजा आपरै शरीर ऊपर दया नई करे ।' वैं कठैरी ईकिसरै आपरै शरीर ऊपर काई **प्रोड** **बीका**
 एक बार वी-रो-जेब मीय सूं किणई रुपिया कोठ लिया ।

वैं बडा दुखी हुया, पण करता काई ? हा, वैं महीनै दस रुपिया री कसर काढी-च्यार री जागा दोय 'रोटी खाय'र अर सरदी हुवतां थकां ई सीरख नई कराय'र टाट ओढियो, रात्या में ।

मारजा री पीडी एक दिन कुत्त भाल ली, तारै सूं आय'र । पण वा घाय सूं पैली आपरी पछियै जिसी-मैलोडी धोती नै सभाळी अर सतोप सूं कैयो—'आई चोची हुई कै धोती नई फाटी । चामड़ी तो फेर आय जासी ।'

मारजा बेटा नै पईसा देवता दोरा हुवैं । जद कोई बेटो पईसा भागै अर वा नै देवणा पडै, उपरिया कर जद वैं कैवै—'लेय लो वन्ना । म्है तो खून बेच'र चादी भेली करी है । थानै काई जोर आवै, अनाप-सनाप खरच करते । म्है तो हाडा रा बिलोवणा इयाई बित्तोया ।'

एक दिन मारजा रै बडोर्ड बेटे वा नै हेलो करियो—'भा जी, थारै 'मनीओर्डर' आयो है ।'

आ सुण'र वैं भट हेठे आया अर पूछियो कै कठै है ?

वैं कैयो—'ओ पुरजो है, कासीरामजी री दूकान रो । छोटोड़ो बेटो आपरो चौतीस रुपियां री ओधार कर'र आयो हो, कपडा री । बिगै रो तगादो है । तगादो 'मनीओर्डर' ई तो हुवैं कै प्राप मनी (रुपिया) चुकावो ।'

आ सुण'र मारजा चुपचाप रुपिया चुकाय'र भरपाई री रसीद ली ।

मारजा हजामत अर दाडी बेटां सनै करावैं । कोई पूछै जण कैवै—'भ्दारे-केस कठै है-? । ओ छोरा केम राखै ई-कोयनी । हू तो भेड हू, प्राब-जिको ई मूंडै-? ।' रुपियां री हजामत करे, जिका नै केसा री हजामत ई करनी-पडै । किरियावर कर्न करे ।'

“गारा पर्दमा बचावै” भा बान कैयन घाळै नै वैं उघळो देवै कै
 म्हारा फिनरा पर्दमा बचावै ? छै आपरा पर्दमा बचावै ।

मारजा कईं बीज नै फालतू नईं जावण देवै, इयै वास्तै ई जद बां
 रो बेटो बीमार पड़ियो भर धै नै मोसम्बी रो रग देवणो पड़तो तो सारलो
 पूंथो धै भा कैय'र गाय लेवता कै— इयै बीनण्यां रै हाया में जोर कोय
 नीं, पूरो कम नितरै ई नईं दया गूँ, मोसम्बी रो ।

मारजा बेटां नै घणा नईं पढ़ाया । बां तो ट्यूशन रो ध्यान घणो
 राखियो । घणा घरसा पैसी वा रो बडोड़ो बेटो दसवीं रो परीक्षा देवतो;
 पण नतीजो भावतां ई धै रा लम्बर अगवार में गायब रैवता, इयै वास्तै
 धै कैवता कै इयै ‘शिबू’ नै तो ‘बोह’ आळा दगै सूँ फैल कर देवै । वैं
 जाणै कै इया खनै पर्दसा है, इयै वास्तै फैल करै अगलै माल फीस लेवण
 सातर । गरीब नै फैल करै तो वो अगलै वरस बैठै थोड़ो ई ? इयै
 वास्तै पर्दसां आळा रै छोरा नै घणा फैल करै ।

पण भावी-जोग रो बात । बां रै वैं बेटै रै नांव रो तार आयो,
 पास रो एक साल । वैं जमाने में तार बहुत कम भावता । तार आवणै सूँ
 वैं बडा राजी हुया । प्रसाद करियो, अर बाटियो घर आळां में । लिखमी-
 नाथजी रै मिंदर में ई प्रसाद चढायो अर पोशाक पैरवाई । पण दूसरै दिन
 एक जणै आय'र तार मागियो । वैं कैयो कै काल म्हारै नाव रो तार
 गलती सूँ आपरै अठै तारआळो देयग्यो । आपरै बेटै रो अर म्हारो नाव
 मिरीसो है ।

“कुण दियो तार धनै ?” मारजा पूछियो ।

“मदनमोवनजी वर्मा ।”

“क्यो, मदनमोवनजी वर्मा धनै ई जाणता हुवैला ? और केईनै ई
 को जाणनी । जाअै परो बोलो— बोलो, नईं तो तीसरी करांला ।”

वो तो गयो, पण गलती सूँ तार आवणै सूँ मारजा रो बेटो किसो
 पास हुवंतो ? नबरा रो लिस्ट आई, जिकें में फैल । मारजा घणी ई लिखा
 पढी कराई— लिखवायो कै म्हारै पास रो तार आयो है, पण सब फिजूल

भगती प्रोफेसर तो भारवा जी हैं। इयां ने एम. ए. के छोरां के सामने
गढ़ा करियां भतली धरपगास्तर हाकेई तमझ में धाय जयाने।”

घाजकाळ भारवा घान्त रैवें धर गोवंद भजन की बात करे पण
पईगा तरपण रै वारें में भजे ताई तरवीम रत्ती भर ई करी नई। भजे
पैवें पैं इयें मिट्टी रै धनियोई धरीर में धाय तित्ता ई चोला-बोला
पदायें पाल लो धर इयें में कित्तोई निजगार लेंयो, पण ठुगी धामर रान ई।

❶

परिवार बधावण नै । धे परिवार-नियोजन रै घरखिलाफ काम करो ।
किणई जे रिपोर्ट करदी तो सोधा पाँच जावोला ।”

दी दिन पछै बो-“बधै परिवार-बधै परिवार कैवणो भूलग्यो ।

सुगनजी आपरै बेटे री बरी मे बोरियो घर ठुस्ती लेयग्या । सगै
नाक भो सिकोड़ी जद सुगनजी कैयो-“मालक सा'ब ! आप क्यो सोच
करो । बाप री बरी घर सुसरै रै दायजें सूं किसी पार पड़ै ? घर म्है
बोरियो घर ठुस्ती तो घाली है । “बोरियो घर ठुस्ती, आगै गैणा करावै
तो बीन बीनणी री खुस्ती ।”

सुगनजी भट उथळो दे देवै । एक बार एक सेठानी वां नै पूछियो
कै करवा चौथ री बरत कद है ? जद वै भट बोलिया-“इयारस नै ।”

एक जणै वा नै पूछियो कै भाइयो आपरै कईं लागै ? वै बिगड'र
बोलिया कै-‘लागै’ जिको कईं भूत-भूतणी हैं या कादो-कीचड़ है ? कोई
चेपै री थोडो ई है जिको लागै ?

मोकळा बरसा री बात है कै वा नै एक जणै कैयो कै बाट सा'ब
आया है ।

“तो गुड सा'ब नै मंगावो घर लाफसी सा'ब बणावो, पछै धी सा'ब
रै सागै अरोगो ।”

“बाट सा'ब अग्रज है, आप समझो जिको बाट कोमनी-मेहुँवा री-”
आ बात वै कैवण आळै समझाई ।

सुगनजी कलकत्तै ई रैयोड़ा है । उठै वा रामूजी में घणो खोटी
करी । एक दफै एक भाकी ज्यो आवती ही । भालर घर छमछमगा
बाजता हा, भीड़ आगै बघ रैई ही । वै मर्म रामूजी सुगनजी नै पूछियो
कै भाकी कायरी है ?

जगन्नाथजी री । थै ई प्रसाद ले आवो, आ बात सुगनजी कईं ।

रामूजी भीड़ में गवा घर प्रसाद लेय'र पूठा आया । वै खावण
लाग्या जद सुगनजी मुळकण लाग्या । इतै मे ई खनै ऊभै एक मिनय
रामूजी नै चेताया कै ओ जगन्नाथजी री प्रसाद नई है, ओ तो मरियोड़ै
लारे बाटिजै है । देखो, लारे अरथी आवै है । जद वा री आहया खुलो ।

धजकाळ सुगनजी मसकरयो करणी कम करदी । बघ तो नई करी,
कारण कै 'बादरो बूढ़ो हुपज्यावै तोई फदावयां सगावणी थोड़ी ही भूलै ।”

हाकम सा'ब

हाकम सा'ब शहर रै चार पायां मायमू' प्रधान गिणीजता हा ।
वै भणीयोड़ा तो फलसै ताई हा, पण राजाजी री किरपा सूं ऊचै पद पर
आरुठ हुया । फेरुं काईं हो । वै तो समझिया के अबे म्हारो कुण ई
काईं बिगाड सकै ? पण राजाजी रै नांव सूं ई डरता रैवता ।

राजाजी सूं मिलण नै जांवता जद पैली भैरुजी नै मनावता ।
भैरुजी रै सामने जाय'र पैली कस्तर फौजी सलाम देवता घर बाद में
आपरा मगर हाफै ई थपथपावता । फेर दोनां खांधां नै थपथपावता ।
इण रो मतलब हो कै हे भैरुजी ! काळें अर गोरै दोना रूप आळा भैरुजी,
म्हारै सागै हात्तो, दोनां खाधा ऊपर बैठ'र । म्हारी रिच्छा करीजो ।
वै बाद में पगोधिरी-पगोधिरी ऊपर नारेल ई बोलता जावता । पण देवता
उणां रै नारेल री उडीक राखता-राखता निराश हुय'र आशा छोड़
देवता ।

हाकम सा'ब मिसल्यां रो फैसलो पेसकार कनै लिखवावता । पण
वै हार-जीत रो निर्णय खुद करता । कैया करै हे कै फैसला देवण सूं पैला
मिसल्यां नै भळी करै'र वै डेस्क ऊपर राख लेवता अर आंख्यां बन्द करै'र 'जै
भैरुनाथ-जै भैरुनाथ' कैवता मिसल्यां नै थपथपावता, जिकी मिसल्या
थपथपावण सूं नीचै गिरती वै हारती अर नही गिरती जिकै जीतती ।
हाकम सा'ब कैवता कै कानून तो म्हारी जेब में है ।

हाकम सा'ब रै एक बार केई रो ई फोन आयो । पेसकार नै पूछियो-
'किण रो फोन आयो है ।'

पेसकार कैयो- 'नैनावतीजी रो ।'

"भला-भला फोन म्हुनै भट-भट । नैनावतीजी सूनूं हूं ईज बात
फरीस ।" भा कैय'र फोन लेय'र कैयो- "हा-हा, नैनावतीजी आप कठे
सू बोलो हो । कई काम है फुरमावो ?"

इत्तै मे ई जबाब मिलियो- "हूं नानावती बोल रैयो हूं । सुगाई नही,
भादमी हूं ।"

इत्ती सुण'र हाकम सा'ब खीम्'र फोन पेसकार नै पकड़ाय दियो भर
कैयो- "बाळ-बाळ, ओ फोन तो केई भादमी रो है । नैनावतीजीरो कोनी ।"

एक चपरासी कई दिना सूनूं देरी सूनूं भावतो इण वास्तै हाकम सा'ब
एक दिन कैयो- "वन डे लेट टू डे लेट-डे डे लेट- यू को निकाल देंगे ।"

हाकम सा'ब रै पुराणी बग्गी ही, जिकै ऊपर कचड़ी जावता ।
रस्तै मे जिको सलाम करतो, उण नै ई बैठाय लेवता । पण धायै जद
दूसरो कोई सलाम करतो तो पैलै आळै नै उतार देवता भर दूसरै नै
बैठाय लेवता । ई कैवना- "लै भाया सूनूं उतर भबै, इण री बारी है ।"
हाकम सा'ब री इण भादत सूनूं जाणकार लोग इयै वास्तै हाकम सा'ब
री बग्गी मे बैठता ई कोनी ।

हाकम सा'ब रै भठै एक बार आछ हो । आछ में पिडत आयो ।
आंवतै ई हाकम सा'ब पूछियो- "पिडतजी, आज रै दिन किसी दसा चालै
म्हारै ।"

"शनि री सा'ब ।"

इत्ती सुणनी ही कै हाकम सा'ब पिडतजी नै होज में गोतो दे दियो ।
आखर पिडत नै कैवणो पडियो- "आप रै नही, म्हारै शनि री दसा है
भाज ।" जद पाछो निकाळियो गुच्छवयां खावतै पिडत नै ।

हाकम सा'ब नै एक दर्फ एक नूवै बकील कैयो- "सा'ब आज रामूठै
आळै मुकदमें में बैस सुणवाणी है ।"

आ मुण'र हाकम सा'ब जोर सूं फेई—“काई—काई”, बैस म्हेन गुणासो ? हूं बैस मुणीस जणै फेसलो कुण करसो ? बैस पेसकार नै गुणाओ जाय'र ।” वकील देखतो ई रैग्यो ।

एक दफे हाकम सा'ब रै मामनै एक मुलजिम रा इकवालो बयान करावण नै पुलिस पेस करियो । हाकम सा'ब वने कैयो—“ले भाया लिता बयान ।” बै कैयो—“सा'ब, हूं तो बेगुनाह हूं । धाणैदारजी रो मार रै डर सूं हामळ भर ली ।”

बस, फेर काई कील ही उठै । हाकम सा'ब डण्डो लेम'र सड़ा हूयया घर कैवण नै लाग्या—“धैँ म्हेन धाणैदार सूं हेठो समझियो है कईं कै उण रै सामने तो डर सूं हामळ भरै घर म्हारो यने काईं डर नईं लागै” मुलजिम घर-घर कांपण लाग्यो ।

एक बार हाकम सा'ब रै सामने एक मुकदमे में पुलिस आळा “फाइनल रिपोर्ट” पेस की घर मिसल दाखिल दफतर करण री भर्ज करी । हाकम सा'ब रपट कने मेल ली । लंच रै सभै पेसकार नै बुसाय'र रिपोर्ट पढ़वाई । पेसकार पढ़णी मुरु करी—

“शबै मा वैन यह वाका हुमा । ..

इस “.... ”

“बस-बस भागे पढ़ण री जरूरत नईं, हूं समझ्यो । इण मे पुलिस आळा जाण बूझ'र म्हेन फसावण री चाल खली है कै मुलजिमां नै छोड़ूँ घर बाबलियो (राजाजी) म्हेन लाय जावै । हूं नईं छोड़ूँ मुलजिमा नै । सय री मा वैन रै सागे वाका हुवै घर पुलिस आळा लिखै कै छोड़ देवो । हा तो मुलजिम कुण-कुण है पेसकार जी ?”

पेसकार पढ़'र बताया—“सा'ब भगरियै—मगरियै रो नांव बार-बार आयो है ।”

हाकम सा'ब हुकम दियो—“भगरियै मगरियै नै छः छः महिना री सजा । ओर कुण रो नांव आयो है पेसकारजी ?”

“सा'ब एक चूंकियै रो नांव भी तीन-चार बार आयो है ।”

“तो चूकिये नै ई तीन महिनां री सजा लिख दे।”

हाकम सा'ब फैसलो लिखाय'र बड़ा राजी हुया अर सिकायत रें डर सू' बचगया। पण हुवण आळी किसी 'टळ'। इण फैसलै रें लिखाफ अपील हुई।

अपील री सुणाई रें समै सरकारी वकील अजं करी—“गरीब निवाज, इण मुकदमै में मुजरिम कोई है ई नही। इयै वास्तै जेल-किण नै भेजा?

“... अगरिया-मगरिया व चू'किया' मुलजिम नही है, ये जो रिपोर्ट मे आयोड़ा 'अगर-मगर व चू'कि' शब्द है जिकां नै हाकम सा'ब अगरिया, मगरिया व चू'किया मुलजिम सम्भूतिया। फेरुं एक बात और है। हाकम सा'ब “शबै मा बैन” री अर्थ 'मक्की मा बहिन के साथ' लगाय'र भयंकर गस्ती करी है। शबै मा बैन री अर्थ “आधी रात में हुवै।”

“बस-बस” जज सा'ब कैयो। अर फैसलो लिख'र सुणायो। फैसलै रें अनुसार अपील मंजूर कर'र बै मुकदमै में फाइनल रिपोर्ट मंजूर करली गई। बै फैसलै री एक प्रति राजाजी नै भेजी। फैसलो पढ'र राजाजी हाकम सा'ब नै आपरै घरै भेज दिया।



सेठाणी

“सेठ चावै नाराज हुय जावै पण सेठाणी राजी रैवणी चाइजै”—मा सीत सेठ-सऊकारां रै नौकरी करणै सूं पैता दिरीजिया करै है ।

सेठ लाभचन्दजी नामी सेठ हा, पण बां री सेठाणी सगळी तरै सूं बां ऊपर कब्जो कर लियो हो । अर करै कयोंनी ? सेठ किसो-चोखो काम कियो कै—सत्तावन वरसा री उमर मे दूसरो व्यांव कियो । पर सेठ बिचारो करतो ई काई ? एक बात इसी घटी कै वै नै दूसरो व्याव करणो ई पडियो, बात राखण खातर ।

बात आ हुई कै एक दफै सेठ जीमते दही मागियो । बेटे री बऊ कैबायो कै दही तो बघग्यो । खैर, भला । थोड़ी देर बाद वै रो पोतो आयो अर कैयो कै दही तो आज चक्को-चक्को जमियो । मोल्लो-गुट्ट हो । हणै-ई लाय'र आयो हूं । आ सुण'र सेठ रै काळजै तीर लागग्यो । सोच्यो कै अन्न हू 'डिच-डिच' री रोटी नई खाऊ । इण वास्ते बखता-बखत मुनीम नै भेज'र आपरो सगाई कराई अर थोडे दिनां बाद ई व्यांव हुयग्यो । सेठाणी धरै आई । सेठ नै लोगां रै इण कथाणे री परवाह नई ही कै—“तेरै वरस री बीदणी, सत्तावन रो है बीद ।” चिक्-चिक् थोड़ा दिन हुई अर फेर हुवा भला । ‘नू’वी बात नव दिन अर खाची-तांणी तेरै दिन ।’

सेठ सोच्यो कै रोटी तो मुल री मिळमी । सेठाणी गाव री ही अर गरीब घर री बेटी ही । बाप-भाई खेती करता हा ।

मेठ रै भठै पूजा-पाठ करण आळा महाराज बागौती सूं आवता ।
तीन पीढी बा देखी ही, मेठ री । सेठाणी एक बार रीय मे बा नै पूछ
लियो कै बाबा हूं म्हारै बाप रै बेटो हुवती तो ठीक रैवती का नई ?

“हां, ठीक तो रैवतो । फेर पड़ियो एक घोरिये सूं बीजे धोरिये,
भायां लारै फिरतो ऊँठ री पूँछ पकड़'र अर मीगणा चुगतो रैवतो । अर
चैत-वैसाख में पड़ियो फोग बाढतो रैवतो ।”

आ सुण'र सेठाणी घणी नाराज हुई पण करै तो काई करै, कारण
कै महाराज सिद्ध गिणोजता ।

सेठाणी ज्यो-ज्यों घर री बागडोर संभालण लागी त्यों-त्यों डेढ-मंणी
हुवण लागी । तीन नोकरां री जागा एक राखियो । यँ सूं गर्घ जित्तो
काम लेवँती अर कैवँती कै चारै पगां रै तो मँदी लागियोही है । जूँ री
मां ज्यो जाणै जुळै । जावै जठै ई बिडचिण हुय जावै ।

पण नोकर री विचारै रो काईं कमूर ? पाच-मात जागा आवणो
पड़तो, संदेसो लेय'र । हुकम मिलतो—“बैदराजजी रै जाग्रे, रस्ती में बागी
वाई रै सदेमो करोज, मारग मे बाजार पडै जठै सूं साग लाग्रे, मिरच
अदरक-धाना-पोदीणो, चूंगी रा लाग्रे ।” दुरती बेळा फेर कैइगतो कै
पिण्डतजी नै कैवँतो जाग्रे कै थानै बुलाया है । इत्तै कामा री लिस्ट
हुवती अर ऊपर सूं भिड़क्या दुनिया भर री । पण नोकर कईं कैवँतो
नई । बो जाणतो कै म्हनै थोडो ही कैवै । ‘पमार नै कैवै । कैयण देवो ।’

सेठाणी भुतलव में पक्की ही । बा काम पड़तो जणै मोठी-मासी
वण जावँती । आसागीर केई आवता बै रै खने । बा महीनै—दोय महीनां
काम कढवाय'र फोसियोड़ी अर बोदी घोती घोय-धोवाय'र सांवट-सावटाय'र
दे देवती ।

सेठाणी आपरै पोहरै आळा नै चावती । बा आपरै भतीजै नै खनै
राखती । बै रा भाई-भतीजा पनपण लाग्या, बै रै सहारै सूं । बंया ई करै—

सासू तीरथ सुमरा तीरथ
 तीरथ साळा-साळी ।
 वचने-वचने साढू तीरथ
 वडा तीरथ घर वाली ॥

इण वास्तै सेठ तो कंई नईं कैय सकतो । सेठ जाणतो तो हो कै
 भीत नै खाय आळो घर मिनख नै खाय साळो ।

हां, तो सेठानी रै भतीजै नै पढ़ावण नै एक मास्टरजी आवता ।
 टचूशन री फीस पन्द्रै रुपिया ठेरिया । जद महीनो पूरो हुयो जणै सेठानी
 वां नै सात रुपिया भुनाया । मास्टरजी एतराज करियो, तद सेठानी
 कलेंडर निकाळ'र हिसाब बतायो—“चार दिन आप आया नईं, इयै—
 इयै तारीखां नै पैताळीस मिनट पढ़ाई करवाई, इत्ती कसर इयां-बियां
 हुई . . . ।”

था सुण'र मास्टरजी सात रुपिया लेय'र गिड़गिड़ावता हेठै उतरिया
 घर वै दिन सूं सेठ री हवेली जावणो छोड़ दियो ।

सेठानी हुस्तिमारी री कूचो ही । भगवान जाणै सगळो सैगाई वै में
 ई भर दी ही । वा एक गाय लेवणी चावंती ही, पण वै री इच्छया
 मुताबिक गाय मिलणी मुश्किल ही । वा कंवती कै—चोखी गाय हुवै, कबरी-
 फूठरी मुठिया सीगी हुवै, सूधी हुवै घर पैलेठण बैड़की हुवै । दूध तो
 घर लायक च्यार-पांच सेर हुवणी चाइजै । तारै टोगडी हुवै तो ठीक रैवै ।
 हुवै जात आळो ।

“मोल किर्त्ती'क हुवणो चाइजै ?” इयै री जवाब वा देवती कै मो-
 सवासे ताई मिल जावै तो लेय लेवां । इयां रामै-भगा जायां जणै तो गाय
 आळा मूंडा फाड़ै । वां री बूक घणी बडी हुवै । इयै वास्तै कठईं खव्वै—
 खव्वै ई मिल जावै तो ठीक रैवै ।

पण एक जणै भा कैय'र, कै श्री सै वात्सा तो पांच-छव गायों मे मिळै,
 एक मे तो मिळै नईं, सेठानी री गाय लेवण री बात नै बूर दी ।

सेठानी रै साकूतै रै वेटै रो ब्यांव हो । वै आपरै अठै आवण आछा नै पूछियो—“थे व्यांव-शादी मे साफा बाधो का पेचा ?”

“साफा बाधा ।” आ बात साफा मिलज’री आसा में एक जण कैई । पण उठै किता साफा मिलता हा । ‘काकडिया कंवळा हुवता तो स्याळिया जदैई खाय जावता ।’ मेठाणी इण वास्तै भट कैयो—“तो आज सै जणा साफा बाध-बांध’र आया, मन्नू री वरी में चालणो है ।” सै ताकण लाम्या, एक्-दूसरै रो मूंडो ।

सेठानी मोर पाख्या रो सोनो उतारण आछी ही । वा दरजी नै कपड़ो सीवणो देवती जव तोल’र देवती अर कैवती कै कातर पूठी लामे । वा सीयोडा कपड़ो नै अर कातर नै पूठी तोलती । दरजी वै रै कपडा में काई बचाय सकतो ?

पण मेठाणी रै सुख री घडी थोड़ा बरस ई तिवियोडी ही । सेठ रो शरीर छीभण लाम्यो । घणी-ई दवायां दिराई अर इलाज करवाया, पण उपाय तो आय रा है । ‘खूटी नै किसी खूटी’, इयै वास्तै सेठजी पूरा हुयग्या अर सेठानी नै घणो-सीक जीवन (पुराणी रीत मू) बुमेड मे ई बितावणो पड़ियो ।



जीमाकियो

“भूख सूं मरणवाळा री चरचा केई शर अखबारा में छै, पण घणो जीम'र मरण' री खबर बहुत ई कम बार छै”—आ बात रामूजी कैया करै । वैं पैला गांव मे रैवता, अबै शहर मे रैवै । रामूजी जीमण रा प्रेमी है घर खावै भी की-न-की विशेष । एक दफै रामूजी आपरै सासरै गया । सामरो गांव मे हो । छोटा ई हा जद । सकै सूं कम जीमिया । दोय-एक घंटां बाद भूख लागी । करै तो काईं करै । टैम बितावणनै एक दूकान ऊपर जाय'र बैठग्या । दुकानदार उणां री गत जाणग्यो, इण वास्तै एक तरकीब भरपेट जीमण री बताय दी ।

सिध्यां नै रामूजी जीमण बैठा । छोटी साली पुरस'र थाली लाई । थाली मे दो फुलका हा । रामूजी एक फुलको निकाळ'र कैयो—“ओ पूठो ले जावो ।”

“इत्तै सूं काई हुसी ?” साली कैयो ।

“तो इत्तै सू ई काईं हुमी ?” ओ जबाब रामूजी दियो ।

ईं बात नै उणा रै सुसरै सुणली । वो समझग्यो । वैं रामूजी नै घाप'र जीमावण री बात घर में कैई । रामूजी घाप'र जीमियो तो सई, पण दिनूंगै ई सीख मिलगी, सासरै सूं ।

रामूजी जीमण जावता जद चश्मो लगाय'र जावता । एक दिन एक जण मजाक में पूछियो—“थे घणो कियां खाओ ।” जद वा जबाब दियो—

“देख, म्हारें जीमता चम्भो तागियोहो रैवं ! इण मूँ जिनस बहुत छोटी दीखै । बडा-बडा लाडू ई पयोइया जित्ता-जित्ता दीसै, जिकें मूँ घणा राइजै ।”

रामूजी रै घरै एक दिन आठ हो । उणा रै एक भायलें कैयो—
“आज थे जित्ता लाडू खासो इत्ता ई हूं गार्इग ।”

“जद यारै घंठे आ शतें लगाया”—आ कैय'र रामूजी चळू कर'र उठ्या । उठतै-उठतै उणा कैयो—“हूं इत्तो मूरत थोड़ो ई हूं कै म्हारै अठें शतें लगाऊ ।”

एक बार एक सेठानी दीय लाडू अर पांच पूइयां थाली में मेत'र, रामूजी रै सामनै राखी । रामूजी सेठानी नै कैयो—“एक लाडू पूठो तो लेय जावो ।”

“क्यों ?”

“तो और काई करूं ? आपनै पुरसणो ई नई आवैं । रामूजी नै एक पूड़ी घालिजै ? लाडू पैलड़ा पुरसावणी मे सात, फेर दूसरी मे छव तीसरी बार पाच, चौथी दफै च्यार, पांचवी दफै तीन, छट्ठी दफै दो अर सातवें पुरसारै मे एक घालीजै । फेर रामूजी री इच्छा हवै तो मांगै जित्ता देवणा । सात बार तो बिना मागिया ई पुरस देवणो ।” सेठानी देखती रैई ।

एक दफै वै कठई जीमण गया । थाली लागी अर बांसि मे सै चीज्या सामनै आई । रामूजी हाथ लगाय'र देखियो तो माथो ठण्कण लागो । पूइया बासी अर मिठाई केई दिनां री हो । वै हाथ जोड़'र आल्या मोच'र बैठ्या । अर कैवण लाग्या—“हे ठंडी पूइया; थे म्हारो लारो इसा-इसा सेठ-साऊकारा रै अठेई मत छोडिया ? थे तो म्हारै लारै पडग्या । घर थाली तो सूखा टिक्कड खावण नै देवई है, अठे जीमण में ई इसी पूइया पिण्ड छोडै कोनी ।” आ सुण'र सेठ शर्मिन्दो हुयग्यो ।

एक बार री बात है रामूजी एक जागा जीमण गया । वै जीमता

हा कै सेठ रो छोटी पोती बार-बार भाय'र कैवण लागी—“हूं सीरो लेईस, हूं सोरो लेईस ।”

सेठ दोय-तीन बार वै नै मांय भेजियो, पण वो पूछो रोवतो भाय जावतो । पातिर सेठ मांय गयो घर कई—“सोरो वनूं नई देवो इन पणू नै ?”

“सीरो तो भवै कोयनी”—भा बात घोरै नू मेठाणी कई ।

सेठ भा बात सुण'र पणू नै ओर नू कैवणो सुरू कियो—“रो ना बेटा, रामूजी नै पैली जावन दे, फेर आपां सँ जगा लागे ई घंठ'र रोसी ।”

भा बात सुण'र रामूजी उठ'र आपरै घरै गया ।

रामूजी एक बार पैलड़ा शहर मे आया हा, कचैड़ी रै केई काम नू । शहर रो ठेगण पर उतरिया कै एक जगे भाय'र कैयो—“आपां रै अठे ठहरो ।”

रामूजी वै रै लागे गया घर उण रै उठे ठहरग्या । वै पूछियो—“दूध पीतो या चाय ?” रामूजी दूध ई मगायो, सोबियो कै चावड़ी नू माथो घुण लगावै ।

वो मिनख एक बड़ी गिलास लायो । रामूजी भट गटकायग्या । वै पूछियो—“फेर लाऊ ?”

“लेय आवो ।” रामूजी कैयो । दयां करता करता रामूजी आठ गिलासां गटकायग्या । फेर निमट'र न्हाया घोया घर जीमण नै बैठिया । वै मिनख पूछियो—“कच्ची रसोई लाऊं वा कईं मोठी-चूठी ई लाऊ ?”

“मोठी लेय आवो ।”

रामूजी खूब डट'र जीमिया । वै सोचण लाग्या । म्हारलै वापू रै किता जणा सैधा है कै इत्ती आवभगत करै । वै चळू कर'र आपरो धेलो लेय'र रवानै हुवननै लाग्या घर कई—“घन्यवाद है धनै भाइड़ा । फेर मिलीस भाय'र ।”

“मिलसो जिका तो चोखा पण सात रुपिया दन भानां रो बिल चुकाय'र जावो”—वै मिनख कैयो ।

“बिल काई यात रो ?”

“घां दूध-मिठाई इत्यादि खाया जिकं रो ।”

“तो धे म्हारलै बापू रा रीया कोनी ?” रामूजी इचरज मूं
पूछियो ?

“किसो बापू ? ओ तो होटल है-होटल ! पर्ईसा देवो, फेरूं जाया
भागी ।” रामूजी देखता ई रीया । पण उठै बस काई चालै । उण दिन वै
मात सायग्या । फेर पर्ईसा चुकाय'र, बिना सोच्यां समझ्या, घणै सावण री
सौगन सायली ।



मुनीमजी

पेला लिखै अर पीछै दे,
भूल पड़े कागद सूँ लै ।

आ बात मुनीमजी री जवान पर रैवती । वैं हरएक कलम नै धीकस देखता । उक्त तो बां में घणो ही-ज, जणै ई तो 'हैड मुनीम' रो खिताब मिलियोड़ो हो, यांनै । सेठ रैं घर मे छोटै-बडै हरेक काम में बा री सल्ला रैं बिना पत्तो ई खड़कतो कोनी ।

केसरिया पेचो, सफेद भक्क युगलै री जात रो कोट, जिकै मे सोनै री गुंढघा लागियोड़ो छव, नील-पावडर दियोड़ो घोती-ब्रासलेट, कड़प दियोड़ो ऊजळो हुपट्टो धर चूँचदार जूती बां रो परेस हो । वैं नामो सेठ रायचंद जी रा मुनीम ह्य । सेठ रैं सूत रो घंघो हो अर सागै ई खंधी-किस्ती रो काम ई चालतो ।

मुनीमजी सगळी बातयां सूँ जाणकार रैवता । एक बार सेठ रैं रसोइयै पगार बधावण री बात कैई । सेठ मुनीमजी री तरफ देखियो । मुनीमजी समझ्या अर भट कैयो—“ठीक है महाराज ! पगार बधावण री आपरी बात बाजब है । पांच रुपिया आज सूँ बधिया समझो, पण एक बात आ हुसी कै आज सूँ बाजार सूँ चीज-बस्त लावण रो काम दूसरै रैं जिम्मे लागसी । धारै आगै ई घणो ई काम है ।”

आ मुण'र रसोइयो ताकण लाग्यो अर धीमै सीक कैयो—“खैर भला, तो पगार हणै बधावणी नई सरो । चलै ज्यों ई चलण देवो ।”

एक दर्फ सेठ खर्च लिखावण नै पानो दियो । रोकड़िये पुरजो देखियो
अर कई कै एक छड़ी रा च्यार रुपिया । इसी छड़ी तो हूं बारै आना मे
लायो हो ।

मुनीमजी समझ्या । वां उयळो दियो — “यांरी खातरदारी दूकान-
दार काई करी ? म्हाँन सरवत पायो, पान खवायो अर जी-जी करी । तेल
तो तिना मांय सू ई नोसरै है अर परैमा तो चैरै रा लागे ।”

“जणै तो च्यार रुपिया बाजिब ई है । मूँडा देखर तो टीका
काढीजिया ई करै है ।”

मौकै ऊपर उकलै जिकी ई उक्त । नई तो “मोको बूकी डूमणी
गावै ताल-वेताल ।” मुनीमजी रो उक्त ई इण वास्तै एक दर्फ सेठजी रो
इज्जत राखली । वै दिन सेठ यात्रा मे गयोडा हा । दूकान रै नाव री हुडी,
तीस हजार री आई । रुपिया इत्ता रोकड़ी पोतै नई । बक, बद हुयग्यो
हो । रोकड़िये हुडी देखी अर मुनीम रै कानी देखियो । मुनीमजी हेठै गया,
तळमंवरै में । उठै सरदी मिटावण नै सिगडी मंगायर-तापण लाग्या ।
रोकड़ियो हुडी लेय'र आसामी सागै हेठै गयो । मुनीमजी हुण्डी लेय'र पढण
लाग्या । वा कैयो कै आज तो ठड बहुत है । हाथ-पग घूजै । पण आपरो
हुण्डी हणै सिकर जासी । इया कैवता वा रा हाथ जोर सू घूजण लाग्या ।
वा रोकड़िये नै हुण्डी देवण नै हाथ बघायो कै हुण्डी हाथ सू छूटगी अर
बोरसी मे घाहूती लागगी । वै आसामी रो मूँडो पिलको हुयग्यो । वां
कैवण लाग्यो — “अ... र... र... र !”

“अ... र... र... र... काई? आपनै काई चिन्त्या है । अै तो आरा-
कारा है । सऊकारी बात आप जानो हो । ‘पैठ’ मंगवाय लो । च्यार
दिनां मे आय जाभी । रुपिया आपरा असल है, अखरै-अखरै मिळसी ।”

“ठीक सा, ठीक ! आ कैय'र वो आसामी उठै सू रवानै हुयग्यो अर
मुनीमजी रो इण उक्त नै सै जणा दाद देवण लाग्या । मेठ नै जद इण
बात री ठा लागी, जद वै मुनीमजी नै आपरै कारबार मे दोय आना हिस्से
रा पातोदार बणाय लिया ।

कुड़छी कलक

मूळजी रमोइया हा, पण वै आपनै कुड़छी कलक कैवंता । वां घणी सी जिन्दगी सेठ नत्थैजी रै अठै ई गुजारी । मेठ रो सभाव आछो हो, पण सेठाणी डेढ सैणी ही ।

मूळजी नै शुरू-शुरू मे घणो खटणो पड़ियो अर सेठाणी री हकूमत ई सैवणी पड़ी, पण पंछे तो वै उण रै माथे बाघण जिसा हुयग्या । मूळजी सेठ साथे बंवाई गया, पैला रै जमाने मे । दिनू गै वा दियासलाई री पेटी मांगी जद सेठाणी पेटी देवतां थका कैयो कै—एक महीनै साई इण नै चलावणी है, साठ काठी है इण मे । वा हामळ भरली, पर मन मे गुळगाठ बांधली ।

तीसरै दिन ई वै सेठाणी नै कैवण लाग्या—“अै लेवो मसालो घिसीयोड़ी, काठचा अर दूसरी पेटी देवो । सील सू सूल्या जगै ई कोनी ।”

सेठाणी नूंधी पेटी देवण नै तयार नईं हुई, इण वास्तै मूळजी पाडोस आळै ढाई में गया अर-उठै सूँ एक हांडी मे खीरा घाळ'र डोरी सूँ वै नै बांध'र आवरी बाड़ी मे आया । उठै सेठ खड़ो हो । वै मूळजी नै कैयो कै इया काईं करो ? जद मूळजी सगळी बात बताय दी । सेठ ऊपर जाय'र सेठाणी नै डाट बताई अर मूळजी नै एक रुपियो दियो, पेटचा खातर ।

□ □

सियाळी रा दिन हा । सेठ मूळजी रै गरम कोट करावण रो बात कैयो, पण सेठाणी धीच में ई भचको घाळण नै कैयो—“लारलं वरस आठो कोट ई पड़ियो है । इयां नै किसो अचार घाळणो है ?”

मूळजी चुप रिया, पण वै दिन, रात नै रसोई बणाय'र निबिता हुया । सेठ रात नै मोड़ो आया करतो, सट्टो बन्द कराय'र । वै दिन वो आयो अर मूळजी उठिया । उठतं ई सेठ डरग्यो अर बोकियो—“घोय मा “ य ए ।”

“डरो ना सेठा, ओ तो हूं मूळियो हूं, मूळियो !”

“इया किया ? उधाड़ो शरीर, राख लगायोड़ी अर गमछो बांधियोडो । बात काई है ?”

“कोई बात कोनी । सो लागियो, इण वास्तु कैई देर तो तपतो रियो अर जद खीरा बुझ्या जणै शरीर रै राख लगायली, गरमास लेवण नै । म्है सोच्यो कै साधु राख लगाय'र सियाळो काढ देवै तो आपां ई देखा तो सही ।”

सेठ समझ्यो कै—मूळजी रै कोट गरम नईं करावणै—सूं आ बात हुई है । दूसरै दिन ई, इण वास्तु वां रै कोट रो नाप दिरीजग्यो ।

सेठ-सेठाणी सैर आया । मूळजी ई सागै हा । सैर मे मूळजी नै दूध लावणो पड़तो । वै भैस रो दूध लावता अर रस्तै मे कंई पीय'र वै में पाणी मिलाय'र ले आवता । एक दिन सेठाणी दूध छाणियो, जिकै में एक पाणी रो जीव आयग्यो । सेठाणी नै इचरज हुयो, पण मूळजी बात सारी कै—दूध आळो बापड़ो गरीब आदमी है, चोखो पाणी गायां, नै पाय सकै नईं, इण वास्तु गाय कठैई जसोळाई तळाई.में मूंडो घाळ लियो हुवेला ।” आ कैय'र वै आपरै घन्वै लागग्या ।

एक बार मूळजी नै सेठाणी पूछियो कै—“एक सेर दाळ रै सोरें मे बेशर किस्ती चाइजसी ?”

“एक भरी ।”

“एक भरी कांय में लागसी ?” इचरज सूं सेठाणी पूछियो ।

“लगसी जित्ती लगसी, बाकी रो आडवर कहसी ।” ओ उचळो दियो, मूळजी ।

मूळजी मोकळमंवा हा । एक दफे सेठाणी रै मामे रो सालो आयो । वै आपरो आपो दियो घर कैयो कै अँ तो आपरै नानाणै कनै ई तो रैवै है ।

“पण हूँ तो नईं जाणूँ इया नै ।”

“आप म्हनै जाणों नईं ? हूँ कावजी रो वेटो हूँ ।” वै कैयो ।

“हुवैला वन्ना ! म्है तो कावजी रो आगणो तक कदैई नईं देखियो, म्हनै काईं ठा”- ओ उचळो मूळजी दियो ।

एक दफे मूलजी रै पाडोसी रै वेटे रो ब्यांव हो, इण वास्तै गळी मे जलसो सभियो । गळी आळां रै घरा मे पेचा अर गुड फिरियो । घर दीठ एक-एक रुपियो ई दिरीजियो, पण मूळजी रै अठै कंईं नईं पौचियो । खैर मा ! सिध्या नै सेठ रै घर आगे तवायफ रो प्रोग्राम हो । लोग भेळा हुयोडा हा । बिजळी रो जगमगाहट हुग रैई ही । इत्तै मे तोगां री नजर ऊपर गई, भ्लाड रै कनै-हालण आळै लालटेण कनै । सेठ ई ऊपर देखियो अर कैयो-“अठै कुण मूरख है ? काईं चांदणै री कमी है, अठै ?”

“हां-हा, है ! घोर अंधारो है, अठै । दिथै तळै अंधारो ई रैवै ! नईं तो म्होरै अठै गाड़ो अर रुपियो पेचै सभेत कयो नईं पौचतो ?”

सेठ वा नै बुलाय'र आपरी गलती मानी अर दिनू'नै ई वा रै अठै मुनीम सगळो रकीणो पूगतो कर दियो ।

मूळजी रै छोरी रो ब्यांव हुयो । जान जीम'र गई । जानण्या घणी भी जीम ली ही, पण गीत गावंती-गावंती फेर कवा गटकाय रैई हो । चीज बघण लागी । मूळजी देखियो कै आज तो इज्जत जामी, इण

वास्तै जोर सून आपरै बेटै नै कैयो—“घरे भाइया ! मीठै आळा घांमा
 गिण'र राखे । श्री चोर नई ले जायै । म्हारी जाण में—इयां गूँजा तो मीठै
 सून भर लियाई हुसी ।” आ मुण'र जानण्यां खळखळ चळू कर लियो ।
 इयां वां री लाज रैयगी ।

बाबू साहब

सेठ चुन्नीलालजी ने लोग बाबू साहब के नाव मूँ भोळखता हा । वे बडा आदमी गिणीजता, पण हा भोळा । राजाजी के घटे वारी घणी चालती । चदो भरण ने वे सगळां मू तोखा रैवता । वे रईस प्रकृति रा जीव हा । हर टेम पांच-सात जणां वारी हाजरी में हाजर रैवता । केई जणा ने वे पोखता ई हा । गरीब-गुरवा ने ई खाली नई जावण देवता । वे कैवता के—“ठगावे जिको ई ठाकर हुवे ।”

बाबू साहब एक बार कळकत्त गया । उठे वे घूमण ने निकळिया । रास्तें मे पिशाब री हाजत हुई । वां एक जागा बैठ'र पिशाब करियो । बिर्त्तें में ई पुलिस आळां वाने पकड़ लिया । कने ई थाणो हो, जठे लेयग्या । मजिस्ट्रेट साहब बैठा हा । वा रै सामने बाबू साहब ने पेश करिया । वा, जणां ने पूछियो—“कयो जी ! पेशाब किया ?”

“हां, हुजूर करियो ।”

“तो दो रुपय जुर्माना । जुर्माना जमा न कराने पर ता बर्खास्तगी अदालत सजा ।”

सजा रो नाब मत मो सरकार ! कैद रो नांव ई खोटो । थूको धारें मूँडे मांयसूँ । आ कैय'र मुनीम ने कैयो—“मुनीमजी हाकम साहब बडा दयालु है, बहुत कम जुर्मानो कियो है । आपां रा बीस रुपिया जमा कराये'र रसीद लेय लेवो । काई ठा, कणै फेर हाजत हुय जावे । दस दफे रो तो पिण्ड छूटे ।”

आ बात सुण'र सगळा उणां रै मू'डें कानी देरण लाग्या ।

बाबू साहय बीमारी-सीमारी मू' डरता । वै वैदराजजी नै निरोग रैवण रो उपाय पूछता रैवता । मूक बार वैदराजजी कैयो कै हवा लावण नै दरवाजै रै बार जाया करो । दूसरें दिन वै बैगा उठ'र दरवाजै बार गया । फाटक पार करता ई बाको फाड़'र जोर जोर मू' हाव""हा व"" करण लाग्या । मुनीम देत'र हाको बाको रैगयो । पण वो समझयो कै सेठ हवा लावै है ।

एक दफै मुनीम कैयो कै कालै निरजळा इग्यारस है, कई' न कई सेवा ले आवा देवा-लेवी नै ।

“देवा-लेवी भती करिया, जमानै रो ध्यान राख्या करो । देवा-लेवी पछै काई हुवै ?”

बाबू साहय मौकै-टोकै इसो तक'र तोर मारता कै पूछो उयळो दिरीजणो मुश्कल हुय जावतो । एक दफै री बात है कै उणा री विरादरी रा लोग गोपालजी रै मिंदर मे भेळा हुया । वै सगळा ई 'वारियो' वन्द करणो चावता हा । सगळा आप-आप री राय दी । बात तै हुवण आळी ही, उण वक्त ई बाबू माहव आपरै भाई नै कैयो—“आ सभा किण बात री हुय रही है ? म्हारै तो हाल-ताणी ओ रामकथाणो समझ मे ई नई आयो ?”

‘वारिये’ नै वन्द करण खातर— ओ उयळो वां रै भाई दियो ।

“तो चालो आपां अठै सू । ना तो 'वारियो' करणो आपा शुरू करियो अर ना आपां वन्द करण री राय मे हा । हाफै पईसा खूटियां वन्द हुय जासी । म्हानै जुडियो तो म्हाँ च्यार मिठायां अर मूंग-चावळ करिया अर ऊषावयो धी सामै । अर आज जे गुड री लाफसी ई नई जुडसी तो कटै सू करसां ?” आ कैय'र वै भट उठ'र आपरै भाई सामै बारै नीसरग्या । सै जणा देखता ई रैग्या ।

बाबू साहब नै श्रीनरेरी मजिस्ट्रेट बणाया, खुश हुय'र राजाजी ।
वै कचेड़ी मे बैठिया, जाय'र । लोग वां नै 'अनादी मजिस्ट्रेट' समझता हा ।

एक दफे पुलिस आळां एक मुलजिम नै पेश करियो । बाबू साहब
वै नै देखतां ई खुरसी सूं उठ'र वै नै आपरै बराबर खुरसी ऊपर बैठायो ।
इण कारण कोर्टजी कैयो—"साय, अै तो मुलजिम है ।"

"मुलजिम ? म्हारे जीवतां अै मुलजिम ? अै तो म्हारा मालक है ।
सिरदार-मगा है । काई ईयां मिनल भारियो है ?"

"मिनल तो नई मारियो, पण सट्टे रै केस रा मुलजिम है ।"

"तो सट्टे कारणो काई जुलम है ? सऊकार रा बेटा है, धन सूं
धन लडावै । ऊंदरै रो जायोड़ो जे बिल नई खोदे तो काई करै ? अै
चांदी रो फाटको नई करसी तो काई कचोळ्यां बेचसी ?" आ कैय'र
मुकदमै नै खारिज करणै रो हुकम सुणायो ।

एक दफे वां कनै एक सिफारस आई । उणां कैयो कै म्हनै इयां तो
याद नई रैवै, नाम-पत्ता । इण वास्तै तारीख आळै दिन थे डावै कांनी
आय'र खड़ा हुय जाया । बस, आ बात याद राखिया ।

तारीख आळै दिन वो मिनल कचेड़ी में बाबू साहब रै डावै पास
जाय'र खडो हुयग्यो । बाबू साहब दूसरी पार्टी आळा नै बुलाया अर हुकम
दियो कै डावो जीतियो, जीवणो हारियो । पेशकार वां कांनी देखण
लाग्यो, जद वां डाट बताई अर फैसलो लिखाम'र डावै आळै नै जीताय
दियो ।

बाबू साहब कनै एक दफे एक जणो गयो अर भूं-भूं रोवण लाग्यो ।
या उण नै पूछियो—"रोवै क्यों है, काळिया ?"

"म्हारी चौकी पुराणी है अर काल खोदाइज जासी । काल मुनसबोड
आळा नैजवा साहब मौको देखण आसी । आप ई मैबर हो, इण छातर
आप भी पधारसो । हूं गरीब आदमी हूं । म्हारे तो आपरो ई आसरो है ।"

“ठीक है तो । काल म्हे मौको देखण आसां । यूँ हाजर लाघे उठै ।”

दूसरै दिन नैजवा साहब सांगे वाबू साहब ई मौको देखण पाँचिया । नैजवा साहब रै वोळण सूँ पैलां ई बै उण चौकी ऊपर खडा हुयग्या अर कैवण लाग्या—“सा’व ! इण चौकी ऊपर कालिये री दादी बैठी रैवती । बै रै घोळी दाडी ही । म्हे सगळा छोरा बै नै डाकण-डाकण कैय’र चिगावता अर बा गाळचां काढती । बा इयै कालिये री दादी ही दादी । अर साठां सूँ ऊपर तो म्हे ई जावण लाग्या ।”

आ सुण’र नैजवा साहब समझग्या अर चौकी बदस्तूर राखण रो हुकम देय दियो ।

घारा इसा केई किस्ता मुलक में फैलग्या । इण वास्तै एक रफे राजाजी बा नै बुलाया अर कैयो कै वाबू साहब, आप तो केई दुबळा हुयग्या । शायद कचेड़ी री दिक्कत घणी रैवै । आप री मर्जी हुवै तो अवे आप केई दिन आराम कर लो । बा भट हंकारो भर लियो ।

घाड़ैती

मोकळा वरस पैला ठाकर शिवरामसिध नांमीं घाड़ैती हा, पण कानून री लपेट मे कदैई नईं आया । घाड़ै री टैम, वै केई-न-केई सेठ-सऊकार रै अठै हुवण री सफाई दराय देवता अर घाड़ो ई आपरै राज सूं दूर पड़ावता । वा री मुलाकात बडा-बडा सेठ-सऊकारो सूं हो । केई घरां में वां री आव-जाव हो अर वा घरां मे वै घरूपणै री संबंध राखता । वै हा ई अलमस्त ।

एक समै री बात है कै वै सेठा रै दिवानखानै मे बैठा, गुलछरी तगाय रिया हा । एक जण वारी उमर पूछी । वां बीस वरस बताई । वै पूछण आळै इचरज सूं कैयो—“बीस वरस ?”

“हा—हां, बीस वरस । म्है एक दफै थारै जिस रै सामनै म्हारी उमर बीस वरस बतावदी, इण वास्तै अर्रै जलम भर बीस वरस ई बतावणा पडसी । कारण कै ‘मर्दा री जवान एक हुवै ।’ खैर वै समै म्हारी उमर ई इत्ती ही ।”

इत्तै में ई रामूसा भिचकी लगार्ई—“ठाकरां थे कांईं घाड़ो मारो ? धवको दियां तो पढ़ जावो ।”

“नईं महाराज, म्हानै तो लोग इपाई बदनामी देवै । आप ई देख तो कै म्है कांईं घाड़ा मार सकां ?”

रामूसा आ बात इण वास्तै कैयी कै ठाकर लांवा हा । वै दोखण

में पतझा सागता । कमूँबत रंग रो या घूनटी रँ रंग रो साफो, कोट भर पोती बां री गोमात ही । मैं देगी पगरगी बँरता । रंग बां रो गोरो हो ।

रामूमा आळी बात बारायां में आई-गई हुयगी । पांच-मात दिन बाद रामूमा मेठ री बग्गी में बँठ'र मैं री बेटी रा गंगा देवण नै जायना हा । मिथ्या पढगी ही । मैं हवेनी मूँ घोड़ी दूर ई पोँचा हुयेना कँ सामनँ एक घुड़गवार आप'र दाकल दी—“भरे घो ! भारे बनें जिरी चीजां है, मैं म्हारे हयाने जर दे, नई तो नग बाडूँ ।”

रामूमा सामनँ देगियो तो नागी तलवार हाथ में बियाँहो, जमराज जिसो एक घाटे आळो घाड़'तो दीसियो । मैं घुड़ग वाराया । बग्गी रँ कोचवान री ई गिग्गी बधगी । रामूमा गिड़गिड़ाया, पण घातर मल मार'र गंगां आळी पेटी देवणी रँ पड़ी । काई करता नई तो, कारण कँ लूँट रो होशो डाग नै फाड़ ।

पेटी लेय'र वो घाड़'तो परो गयो भर बग्गी पूछी हवेनी पौची । सेठा धनो सोच कगियो । सैर में ई बूको फूटग्यो ।

दूसरँ दिन ठाकर आया । मेठ बा बात टोरी भर रामूमा गिड़-गिड़ाय'र कँयो—“ठाकर माह्व ! हू तो डूबग्यो काळी पार । मूँने रपिया भरणा पड़गी ।”

“कुण हो ? किसो'क हो ? आप कोई घैनाण-सैनाण बतावो, जद तो कईं ठा ई लगावां ।”

“काई बताऊ ठाकरां ? ” “एक ओ डील-डोल आळो घाड़वी हो । घोड़ ऊपर बँठे-बँठे ई दाकल लगाई । हाथ मे नागी तलवार ही । आ तो नस भर घै बड़ी-बड़ी लाल आँख्या । बड़ो डरावणी हो । हूँ तो पूरी नजर ई मिलाव सकियो कोनो ।”

“आप ई डरग्या ? देवणी ही नी थाप री ! आ तो आपरँ घर सूँ थोड़ी दूर री ई बात है । इया सिधा री गुफा मे स्वाळिया किया बडग्या ?”

“स्याळिया नईं ठाकरां, वो तो सिध सूं ई घणो खतरनाक हो ।
 अबै तो आप संकट काटसो जद ई कटसी, नईं तो म्हनै तो कूवो-खाड
 करणी पडसी ।” आ कैय’र वै ठाकरा रै पगां खानी बधिया, पण ठाकरां
 बां नै उठाय’र छाती रै लगामा अर ताळी बजाई । इत्त में ई बारै सूं
 एक जणो वा गैणां आळी पेटी लेय’र दिनानखाने मे बडियो । पेटी देखतां
 ई रामूसा हरा हुयग्या । वै ठाकरा रा गुण गावण लाग्या । पण ठाकरां
 कैई कै महाराज ! म्हनै घणो दुख है कै आपनै कष्ट हुयो, म्हारै कारण ।
 आ कैय’र खिलखिलावण लाग्या । कनै ऊभा जिका लोग भी हसण लाग्या ।

शिवरामसिध दयालु हा । एक दफै वै एक भू पडै रै आगे सूं जाय
 रैया हा कै वै मे एक डोकरी नै रोवती देखी । वै, वै कनै गया अर रोवण
 रो कारण पूछियो । वा बोली—“काई बताऊं वेटा ? हूं तो म्हारै दिनां नै
 गोता देवती, म्हारै बिचै रा दिन काटती ही कै आज दिनू गै सूं घडी एक
 पैला शिवरामसिध म्हारी मगळी पूंजी खोस लेयग्यो । म्हारा चादी रा
 कड़ला अर सोनै रा टड्डा वो लेय’र चुवो गयो । कठै पिण्ड छुड़ासी वो
 इंयां कीड़्या छमक’र ।”

“यनै काईं ठा, कै वो शिवरामसिध हो ?”

“वो कैयग्यो जावतो कै जे रोळो-रप्पो कियो तो ज्यान सूं मार
 म्हाखूंलो, म्हारो नाव शिवरामसिध है ।”

आ बात सुण’र ठाकर कैयो कै रो मत माई ! हूं धारी चीजा लाय
 देईम ।

“अरे बप्पा ! यूं मोत रै नैडो मती जायैना । वो आपरा किया
 हाफै ई पाय लेसी ।”

पण ठाकर उठै नईं रहिया । वै आपरै साय्यां नै लेय’र वै चोर नै
 भट पकड़ लाया अर वै नै बांध’र डोकरी रै पगां मे लाय फेंकियो ।
 डोकरी रो रकम्या पूठी दिरोजी अर वै नै जद ई खोनियो जद डोकरी वै
 नै माफी देय हो । वा साचै शिवरामसिध नै घोळव’र गद्गद् हुयगो अर
 आसीसां रो भडो लगाम दी ।

एक दफे एक घाड़ो पड़ियो—सेठ-सऊगरां रें काफले नै लूंटियो ।
 वैं समै रेला-मोटरां नईं चालती । लोग साथ-संघ मे यात्रा करता । सवारी
 रें रूप मे बैल्यां रो चल्लो हो । घो साथ ई बैल्या ऊपर जाय रैयो हो । वा
 नै जगल मे लूंटिया हा । वां रें माल री गांठड़्या बंध चुकी ही । इतें मे
 ई वां रो सरदार आय पौंच्यो । माल देख'र घो घणो राजी हुयो । वो
 आगै बधियो । देखे तो मिनख-लुगाया, डर सूं कापे । लुगाया एक तरफ
 सडी हो, घू घटा काढियोड़ी । करे तो काईं करे, इमो टैम ?

सरदार बिचारां मे डूबयोडो कोई दोय-एक कदम आगै बधियो
 हुवैमा कैं वैं रें काना रें पडदै सूं एक आवाज टकराई—“तिवराम काको है
 काईं ?” आ सुणतां ई वैं सामै देखियो । देखे तो वैं रें पगा हेठै सूं जमी
 खिसकगी । वैं रुकियोडै कण्ठ सूं कैयो—“लिखमा ! !”

वम, फेर सरदार रें गळै सूं बोल को निसरियो नी । वैं रें आख्या
 रा आंसू, मन री बात बतावता हा ।

आखर मे केई तरै सूं सरदार बोलियो—“म्हने माफ करदे, वेटा !
 तू पैला क्यों नई बोली ?” फेर लिखमां रें भाथै हाथ फेर'र एक सौ एक
 रुपिया आपरै कनै सूं देय'र सगळो सामान वैं संघ रो आना-पाई समेत
 पूठो दिरायो । वैं वा नै काफी दूर तक पौंचाय'र भी आया ।

लिखमा वैं ई सेठ री वेटी हो जिकां रें अठै उणां री आव-जाव
 ही । जिका नै वैं भायां सूं ई बेसी समझता हा । लिखमां वा रें हाथां मे
 ई बडी हुई ही ।

सरदार रें साथ्या नै वा रो आख्या मे आंसू देख'र अचम्भो हुयो ।
 वा पैली बार, ठाकर री आख्या मे आंसू देखिया हा ।

पिंडतजी

होलजी नै जाणकार लोग पिंडतजी रै रूप में जाणै । वै इत्तो काम करै के जिकै नै देख'र इचरज हुबै । वै कैया करै के—“महै पिंडत ते डे हुंकारै रा, सासर-पीहरै रा, हामजी-फामजी रा । काम रो काईं छोटी अर काईं मोटी ? पोहटो पड़े तो घूड लेय'र उठै । महै सेर री ई दूवां अर पाव री भी नईं छोड़ां ।”

होलजी आ बात ई कैया करता के म्हें दो काम छोड़िया है—ऊँचें में रसोई अर नीचें में जाजरू भाड़नो । रसोई बणावणी आवै नही, अर जाजरू भाड़नो कैणई भोळायो नही ।

पिंडतजी १७-१८ बरसां रा हा, जद एक बार गांव में फेरा करावण नै गया । नूँवा भोदा हा, जिकै सूं आठ फेरा दिराय दिया । लुगाया एतराज कियो, जद पिंडतजी नै ख्याल पड़ी, आपरी गलती । पण वै किसा भटकै मात खावण आळा हा । भट कैयो—“चार फेरा नियम रा अर चार छोरी रो मंगल करडो है जिकै रा ।” बात सरगो ।

एक बार पिंडतजी कुसालजी सेठ रै बेटे रै ब्याव मे गया । सेठ कैयो—“पिंडतजी, उठै मात मती खाय जाया ना । आपरी घाक नही गुमै । उठै कासी रा पिंडत आवैला ।”

पिंडतजी कैयो आप बेफिकर रैवो ।

बरात हुंकी । फेरा री टैम हुई । कासी रा पिंडत पोय्या खोल'र

बैठा । होलजी भी आपरो पतरो गोणियो घर जोर-जोर सूनं आहुत्यां तगावण लाग्या—“उणउणियायै स्वाहा, गुणगुणियायै स्वाहा, मुणमुणियायै स्वाहा, कुणकुणियायै स्वाहा, गुणगुणियायै स्वाहा ।” पिडत चक्राया । इण आहुत्या घर देवतायां सूनं यै भणजाण हा । वै समझिया कै पिडतजी आपां सूनं हुसियार है । पिडतजी री बात सरगो । पिडतां होलजी रो आदर कियो । वां होलजी नै आहुत्यां रै विषय में पूछियो जद पिडतजी वा सूनं वचन ले लिया कै कैई रै ई भागै इण बात री चरचा करोना नही । जद पिडता वाचा दे दिया, जणै होलजी वां नै एकान्त में लेगया घर आपरो पेट उघाड'र कैयो—“ए आहुत्यां तो उदर-वेद री है । हूं तो आपरी कांईं बराबरी कर सकूं ? इण वास्तै अँ आहुत्यां पेट-भरण सातर बणायोड़ी है ।”

होलजी साहूकारां रै पाठ-पूजा ई कर देवता घर मोकै-टोकै, सगाई रो टेम-टेवो भी मिलावता । एक बार सेठ दाऊजी रै पोत री सगाई रै सातर सेठ चूनजी री बेटो रो टेवो आयो । दाऊजी पिडतजी नै सुबह री टेम, टेवो मिलावण री बात कैई । पिडतजी कैयो—“सिझ्या मुहुतं चोखो है, सो मिलासा ।” सेठ कैयो—“हुवा ।”

होलजी थोड़ी देर बाद चूनजी री हवेली रै भागै सूनं बिया । चूनजी देख'र हेलो करने, घर में बुलाया । होलजी घर में गया । बात-चीत कर'र सेठ, टेवो मिलावण री बात चलाई घर कैयो—“महाराज, आपरी सेवा हूं कर दीम, थोड़ी ध्यान सूनं टेवो मिलाया । अँ टावर आपरा ई है ।”

“ठीक है, पण हूं होलजी बाजू । म्हारी सेवा इक्यावन रुपिया अर एक धोती जोड' सूनं हुवैली ।”

“बाह महाराज ! इक्यावन नही, रुपिया इग्यारह आपरी भेट घर देसूं । इया बात तो पक्की हुयोड़ी ई है ।”

“तो फेरूं टेवो मिलीयो ई है ।” आ बात सुणाय'र होलजी आपरै घरै गया । सिझ्या नै वै सेठ दाऊजी री हवेली गया । वै आसण तगाय'र

बैठिया घर टेवो देखण लाग्या । “छोरी तो बड़ी भागसाली है, बहुत फलसी फूलसी । घापां रै लायक है मा सा पण !”

“पण ? पण काई ?”

“नहीं—नहीं, सब ठीक है ।”

“नही—नही, साफ-साफ कैवो ।”

“मा सा । काई कैऊं ? एक ऐब छोरी में हुसी—कै वा थोड़ी मिन-खोकड़ हुमी । पण ह्यै बात रो घ्यान नईं राखणो, मगाई जरूर करसां । परांण रो टावर पड़ियो कठै है ?”

“नही—मा सगाई हुय नहीं सकै ।” भा बात सेठाणी कैई घर टेवो पाछो सेठ चुनजी रै पहुंचग्यो ।

एक बार पिडतजी एक सेठाणी रै अठै केई फल पड़िया देखिया घर कैयो—“सेठाणीजी, ए काकड़िया हणै गरमी मे कठै सूं भायग्या ?”

“काकड़िया कोनी, भै आंबा है ।”

“आंबा ? इत्ता बड़ा—ऐ हुवै काई आंबा ?”

“हाँ—हाँ, आपरै आयोड़ा कोनी कदैई ?”

“म्हारै भाग में आंबा छोड़'र काकड़िया ई लिखियोड़ा कोनी ।”

भा सुण'र सेठाणी दोय आंबा पिडतजी नै दिया । वै आपरी तरकीब मे सफल हुया घर हंसता-हंसता घरै गया ।

एक दफै सेठ माणकलालजी आपरी भां रा अस्त लेय'र पिडतजी नै हरिद्वार भेजिया, कारण कै छोरै रो ब्याव हो जिकै सूं अस्त रैवणा ठीक नईं हा, घर मे । पिडतजी रै काई जची कै एक दिन दिल्ली में रैय'र दिल्ली मे ईज अस्त पधराय'र पूठा बीकानेर भायग्या । सेठ . घणो राजी हुयो कै अस्त ठंडै पाणी पधराईजग्या ।

दूसरै दिन सेठ नै सुपनो हुयो । वै पिडतजी नै बुलाय'र कैयो—
“महाराज, आप अस्त हरिद्वार मे नही पधराया ?”

“कुण कैवै ?”

“कैवै कुण ? खुद म्हारी मां म्हनै कैयो कै अस्त तो दिल्ली में ई पघराय दिया ।”

“बिल्कुल भूठ, कत्तई भूठ बोलै है थारी मा ।”

“म्हारी मा तो बहुत करुड़ है । आप भूठ बोलो ।”

“हूँ भूठ बोलूँ या थारी मां, इण रो निरणय तो अवल सूँ ई कर कै थारी मां साची हुवती अर म्हे जे अस्त हग्गिद्वार में नई पघराय'र दिल्ली में पघराया हुवंता तो बीकानेर आय'र थनै कयों कैवती, वा पाघरी हरिद्वार ई जावती । इत्तो तो हियों फोड़'र वा सोचती कै दिल्ली सूँ बीकानेर नैडो है या हरिद्वार ।” आ कैय'र होलजी उठै सूँ रवाना हुयग्या ।

एक बार पिंडतजी फरसै जी रो तरफ सूँ एक दीवानी मुकदमै मे गवाई देवण खातर अदालत में गया । हाकम नांव-पता पूछ'र कैयो-“कहो नियम-धर्म से सच-सच कहूंगा ।” पिंडतजी कैयो-“हां, सच-सच कैसूँ, नेम-धर्म सूँ ।” अर मन-मन में कैयो- कूड़ै कूड़ै सौगन ली है-कूवै ऊपर कूकड़ी-म्हारी सौगन ऊतरी । खैर, गवाह शुरू हुवण लागी, जद दूलजी कैयो-‘हाकम साब, हूँ तो फरसैजी रो गवाई हूँ । इणां रै फायदो हुबै जिसी बात लिखलो । आपनै तो न्याव करणो है ।’

आ सुण'र हाकम साहब बीच मे ई वां नै टोक दिया अर फरसैजी रै वकील रै कैवण सूँ कै गवाह पागल प्रतीत होजा है- इत्यादि, मुश्किल सूँ पिंड छोड़ियो, इण वास्तै वैं कोटै-कचैड़ी रै नाव सूँ डरता, ‘भोळै बामण भेड़ खाई, फेर खावै तो राम दुहाई’ कैवता आपरै धरै गया । फेरुं कदैई गवाई देवण रो नाव ई नई लियो ।

वकील साहब

“वाक्जाळ सून कीलै, जिको वकील” आ परिभाषा वकील राम-परसादजी री धणायोड़ी है । वै मवकिल्ल सून पईसा निकलावण में बहुत हुसियार है । वै कैया करै कै म्हनै आ ठा रैवै कै ओ मवकिल्ल म्हनै वकील करसी, वा नही, किता पईसा देसी इत्यादि । वै नीची-नीची अचकन अर चूड़ीदार पायजामो पैर'र कचैड़ी आया करै है ।

रामपरसादजी नै इयां तो सात भो दीखै पण इयै भो में आंख्यां बहुत कमजोर है, इण वास्तै मोटो काळो चश्मो हर टैम लगायोड़ो राखै । वै आपरै मवकिल री तरफदारी करण में कीं कसर नही छोड़ै । एक बार एक मुकदमै में बैस करणी शुरू करण सून पैली ई वां जज साहब नै कैयो—“सरकार एक अर्ज है कै बैस सुणण सून पैली मुचळका हुय जावणा चाहिजै ।”

“मुचळका ? कैरा” जज साहब इचरज सून पूछियो ।

“खिलाफ पार्टी रै वकील साहब रा । कारण कै म्है तो कानूनी पैरवी करण रो मैहनतानो ई लियो है अर इयां वकील साहब भरदामदी रो मैहनतानो ई सागै लियो है, इण वास्तै म्हनै शांति-भंग हुवण रो अदेमो है ।”

आ सुण'र खिलाफ पार्टी आळा वकील साहब गुंजण नै लाग्या ।

एक बार वकील साहब कनै एक मवकिल आयो । वकील साहब वै री मिसल लेय'र अपील लिखाय दी । अपील मे चाळीस वजूहात लिताया । अर चालीस रुपया मैहनतानै रा मागिया ।

वै मवक्किल पच्चीस रुपिया देय'र कैयो—“वकील साहब हूं गरीब आदमी हूं। पच्चीस रुपियां में अपील आप लडाय देवो। फेर कर्नई कमर निकाल देईस।”

वकील साहब पच्चीस रुपिया जेव रै हवालै करतां थका कैयो—हूं किसो काणो, बाडो, लूलो—लंगड़ी हूं, जिको कसर निकाल देईम? म्है मे तो कसर भगवान ई राखी कोनी, फेर तू' काई कसर निकाल देईम?”

“वकील साहब पच्चीस” आ सुण'र वकील साहब वै अपील रै चानीस बजुहात मांय सू' लारला पन्द्रै पाइण्ट काट दिया। अर मुंशी नै फेर करण नै कागज दिया। इत्तै मे ई वो मवक्किल कैवण नै लाग्यो—‘ओ काई करो हो आप, ए लारला पन्द्रै पाइण्ट काट कयो दिया।”

“हूं एक पाइण्ट री बहस करण रो एक रुपियो लेऊं हूं। म्है पच्चीस रुपियां आळी वैस करवावणी है इण वास्तै चाळीम पाइण्ट थोड़ा ई लिखीजसी?”

इत्ती सुण'र वै मवक्किल जेव सू' पन्द्रै रुपियां छीर निकाल'र वकील साहब नै देय दिया।

पैला वकील साहब बड़ी-बड़ी मूछपां राखता। वैं इयै मूछपा रो रोव नयै अर भोळै मवक्किल ऊपर भाड़ता। नयै मवक्किल नै कैवता—“देव म्हारै किती बड़ी बड़ी मूछपां है? अर हूं कर्नई नहीं हारियो, जद ई तो इत्ती बड़ी-बड़ी मूछपां है।”

“मूछपां रो हारण-जीतण मूं काई वास्तो?”

“वास्तो जियां नही। घनै ठा नहीं है के हाकम री दराज मे एफ मिक्काज रैंव अर जिको यकीन हारै वैं रो मूछपां हाकम बाट मं। जिके मूं ई देग म्हारै जिकी मूछपा कर्नई यकीन रै नहीं है।”

यकीन साहब घारै हारियोई मवक्किल नै कर्नई को बंध मी वैं मूं लाग्यो। वैं पैगयो मुण'र भट कंधै—‘यैं प्हागो काम तो बगयो?”

१ मिक्काज-बैथी।

“कियां ?”

“हाकम तिवदी कै थहारो मुकदमो बहुत पेचीदो है अर म्हारै समझ मे नही आयो, इण वास्तै ऊपर आळै हाकम नै गुणावो ।”

एक दिन एक मुकदमै मे वकील साहब तारीख मागी । जज साहब भट सूँ कैयो—“वकील साहब तारीख मै नहीं दूँगा । तारीख देने की पोथी मै पढ़ा हुआ नही हूँ ।”

“बिलकुल दुस्त फरमावो हो आप । तारीख देवण री पोथी तो एल-एल० बी० मे पढाईजै है ।” वकील साहब उथळो दियो ।

जज साहब भेंपग्या, कारण कै वै तो बी० ए० ईज भणियोडा हा ।

एक दिन वकील साहब आपरै एक भायळै नै मजाक मे कैयो—
“इण महिण मे तो बहुत खर्च हुयग्यो ।”

“कियां ?”

“कई वताऊं ? एक हजार रुपिया कमाया कुल जिकै माय सूँ एक सौ रुपिया ई बचिया है म्हारै खनै तो ।”

“बस”

“और कई । कारण ओ है कै एक सौ रुपिया तो पन्ने री मां¹ नै घर खर्च सारू देय दिया अर आठ सौ बैक मे फिक्सड डिपोजिट मे जमा कराय दिया ।

मितर हंसण लाग्यो ।

एक दिन वकील साहब रै एक मवक्किल मँहनतानो मांगणै पर गिडगिडाय²र कैयो—“हूँ आपरी गऊ हूँ वकील साहब, म्हारै ऊपर मेरबानी करो ।”

“नहीं-नही, बिना दूध देवण आळी गऊ नही चाहिजै म्हनै ।” ओ उथळो वकील साहब दियो ।

आजकाल वकील साहब नै चिन्त्या घेरियोड़ी रैवै । एक दिन म्हनै

1 पन्ने री मां— आपरी धर्म पत्नी ।

कैवण लाग्या कै—“म्हारी लाइब्रेरी री किताब्या रो कोई ग्राहक हुवें तो बताया ।”

“आपरी लाइब्रेरी रो ग्राहक ? ”म्हे इचरज सूं पूछियो ।

“और नही तो क्या ? इण किताब्यां री जरूरत नही अबे म्हने ?”

“कयो, काई वकालत छोड़णी है ?”

छोड़णी नही, चालू करनी है नूवें सिरें सूं ।”

हूं इचरज सूं वा रें मूंडें री तरफ देखण लाग्यो कै आखिर बात काई है । आखिर वै समझ्या, इण वास्तें मुस्करायेंर कैवण लाग्या—
“बात आ है कै म्हने अबे किताब्यां बेचेंर एक स्कूटर खरीदणी है, कयोके अबे कानून री किताब्यां री जाग्यां स्कूटर लेय ली है ।”

“कयो ?”

“कयो ?” इण वास्तें कै मुबह सूं ई चक्कर लगाय आऊं स्कूटर ऊपर बैठेंर । आ कैयेंर वै चुप हुयग्या ।



सनजी

“सनियोजी घर मे है कोई”-ओ वाक्य सुण’र सनजी कैयो-“वाळ थारै जीकारै नै, तूं कारी ई दिया कर ।”

सनजी रो मागी नांव हो, किसनचंदजी । वै घणा चोखा वैद हा । अंगरखी पैरता, पाग बांधता, हुपट्टो राखता अर ऊंची-ऊंची घोती पैरता । रंग साबळो, शरीर गठियोड़ो अर नाक तीखो । बोली रा मोठा । हर टैम तयार, बुलावणियै रै-। हाथ में छड़ी कुत्ता सूं बचाव खातर ।

आडा लोग बां नै वैदजी कैवता । जाणकार व्यासजी ई कैवता । एक दफै री बात है कै वा रै घरै एक जणो गयो अर पूछियो-“व्यासजी घर मे है कोई ?”

“व्यासजी तो मरग्या”-ओ उयळो घर मांय सूं दिरीजियो ।

“मरग्या ?”

“हा-हां, मरग्या ।”

वो पूछो फिरियो इत्तै मे ई व्यासजी दीसिया । वै सगळी बात बताई जद व्यासजी घर मे जाय’र पूछियो -“म्हारै मरण री बात कुण कैई ?”

“थारै मरण री बात ?” वा रा पिताजी बोलिया ।

“हा-हां, हुणै इयै नै जबाब दियो नी, घर मांय सूं ।”

“पण वो जबाब थारै वास्तै थोड़ो ई हो ? वो तो ‘व्यासजी’ रै

यात हो । तू म्हारै गामने 'व्यासजी' घोड़े हो गिणीजै । म्हारै वास्ते तो 'व्यासजी' म्हारा काकोजी हा, जिरा परजोक गया । तू तो 'व्यासियों' है या 'सनियों' है, म्हारै वास्ते ।"

वै देवण लाग्या ।

बैदजी घर मे बड़िया ई हा कै बांरी घरमाछो चुत्तार मे पड़ी हो अर "ओय मां ए, ओय मा ए ! करती रोवै । वै घर मे बड़ता ई कैवण लाग्या—"ओय सामूजी, ओय सामूजी ! "

आ सुण'र बांरी श्रीमतीजी उठ'र कैवण लागी —"म्हारी मां नै क्यूं रोवो हो, जीवनी नै ?"

"हूं तो थाने सहारो लगाऊं । म्हे तो थारी बात नै ई दुसराई है । आपा दोनू जे सामे थारी मा नै याद करसा, जण चुत्तार जल्दी ठीक हुय ज्यादा ।"

वै केई रै ई बैसण जावता डरता । वै कैया करता कै—बैसण जावण आछा रो वै घरमाछा ध्यान राखे कै इयां रै कोई मरसी, जद आपा नै ई बैसण हालणो है, इण वास्ते जपिया मुण बैठावै ?

मास्टरजी

“रूपाल वै रै ऊपर ई ठूकै जिको आ समझ लै कै ओ रूपाल तो म्हारै ऊपर है।”

मास्टर दुर्गाप्रसादजी गजब रा आदमी है। काळा-कलूटा, पर वै आपरी हबसी जित्ती सकल नै भी सुन्दर समझै। वै आपरी गिणती देस रै झणै-गिणै साहित्यकारा मे करै है। हां, जद भी बात करै तो वै में पिचत्तर प्रतिशत तो आपरी बढाई हुवै अर पच्चीस प्रतिशत केई न केई री निदधा।

जद वै मास्टर बण'र घरै गया अर मोडै मे बड़तां ईज चिल्लाया—
“हूं बणग्यो हूं”, वो समै गाव री ठकराणी बँठी ही सो कैयो—“बणग्यो छै तो घर घाळा नै दोरी है, ब्हाला !”

“घर घाळा नै दोरी ?”

“हां-हा, बणीयो पछै तो यां नै खतरो है, पैला ?”

“काई बात करो, माजी ? काई अरय समझिया आप 'बणनै' री ?”

“बणग्यो री अरय हूं रामभी कै तू 'ढाकी' बणग्यो ?”

‘नही-नही हूं मास्टर बणग्यो, माजी।’

“तो धनी गुसी री बात है।” आ कैय'र माजी धनी आगित्यां दीवी।

मास्टर बणिया पछै, दुर्गाप्रसाद जी आपरी धार जमावण री कोमीग बी। वै आपरी ई आपरी कैयता। दूमरै री मुणन री कोमीग ई

नहीं करता। इण वास्तै उणां रा जाणकार वां नै रेडियोजी^१ रै नांव सूं बतळावता।

मास्टरजी मे टचूशन करणै री आदत है। जद वा नै दसवी-इग्यारवी रा छोरा खास-खास सवाल पूछै जद वै कैवै-हूं इम्पोरटेन्ट-सिम्पोरटेन्ट नही बताऊ। हूं तो पांच-सात सवाल ईज बताया करू हूं अर जिका पेपर में आवै। ओ चिडचा नै जाळ में फसावण रो तरीकी हो, मास्टरजी रो।

मास्टरजी एक दफे आपरै सासरै गया। सासरै मे उणां री छोटी साळी घणी राजी हुयी। वा आपरो चूनी रगण खातर काळो रंग लावै ही। पण जद वै जीजाजी नै देखिया तो आपरी मां नै पीसा देयर बोली-“अवै रंग लावण री जरूरत नई” क्यूं कै जीजाजी रो हाथ पाणी मे फेराय लेसूं, जिकै सूं पाणी में रंग घोळण री जरूरत नही रैवै।” मां-बेटी फेर खिल-खिलाय उठचा।

मास्टरजी एक ईज स्कूल मे कई बरसां सूं है। वां रो ट्रांसफर हुय कोनी सकै। कारण कै मास्टरजी रै ऊपर इन्स्पेक्टर साहब प्रसन्न है। प्रसन्न हुवण रो कारण है कै एक बार इन्स्पेक्टर साहब री भैंस रो पाडो मरग्यो। पाडै बिना भैंस दुवावै कीकर? मास्टरजी उठै ऊभा ईज हा। वै भैंस कनै गया अर भैंस वा नै चाटण लागी अर प्रावसगी। इण वास्तै इन्स्पेक्टर साहब सोचै कै मौकै-टीकै मास्टरजी सूं अड़ियोड़ो काम निसरसी इण वास्तै वा नै उठै ईज राखै।

१ रेडियोजी रो तात्पर्य है- जिवो आपरो ई आपरो दळियो दळै, दूसरै री बात सुनै पण नहीं।

योगानन्दजी

कचेड़ी में भगवी अलफो पैरियोड़ा एक महाराज आया करता हा । रंग मुसकी, मूंडो गोळ, नाक लाम्बो, चैरो चितकतो, आंस्यां चमकदार अर शरीर गठियोड़ो । अस्सी रो उमर में ई रोज च्यार-पांच मील रो पैडो करता । कचेड़ी आवण रो शौक हो, इण वास्तै घणो वार दरसन हुवता, बां रा । हा, हाथ मे छड़ी री जाग्यां लोह रो घोटो राखता, करीब दस-बारै सेर रो । बां रो नाम हो, योगानन्दजी ।

"भगवै नै आदेश है"—पण बा नै लोग सिर नवावता वैदगी रा पूतळा समझ'र । इण बात सूं वै खुद वाकिफ हा । वै कैया करता—"म्है भगवा लेय'र भीख मागणी शुरू करी । एक दिन एक जण मोसो मारियो कै मोटो-तकड़ो जवान है अर माग'र लावै ! इण बात सूं म्है सीख लीवी अर वै दिन सूं ही भीख सूं पिडो छुड़ायो । हूं निठलो बैठणआळो थोड़ो ही हो । इण वास्तै वैदगी रो हुनर सीख'र इण शरीर नै पोषण लाग्यो ।"

बां नै बात पर बात घणी ऊकतती । वै विचारक हा । बा रा विचार घणा मुळयोड़ा हा । वै बहुश्रुत हा । ओछे विचारां रै दायरै मूं नीसर'र वै विशाल क्षेत्र मे घूमणआळा जीव हा । हरेक संप्रदाय रै साधु-संता सूं बां रा भेटा हुवता ।

घांपरी वैदगी रै बारै में वै कैवता—"श्री वैद अर डाक्टर म्हारी बात काटे । इण वास्तै म्हारे रजिस्ट्रेशन रो सवाल आयो जद म्हनै इणां सूं

टवकर लेवणी पड़ी। वै म्हनै 'बी-क्लास' में रखावणो चावता, पण म्है सगळां रै सामनै वां नै कीयो कै हूं सगळां री पोल जाणूं हूं। हूं घोडे री कमाई नईं खाऊं, म्हारी उकत मूं काम चलाऊं।”

लोग वां रै वारै में कैवता कै बाबोजी भिलावो या संखियो फूंक'र दैवै। इण रो उथळो वै दिया करता—“थे ठा क्यूं नईं तगावो कै हूं काईं देवू ? पण एक बात जरूर है कै जिण चीज में मारण री सगति नईं हुवै वै भेजीवावण री शक्ति किण तरै हुवै ? हां, चूरण-खाटा अर जुकाम ठीक करण आळा गोळी-मुटका हूं नईं बणाऊं।”

वां री केई वाता अजीब लागती। वां रो दवाई देवण रो तरीको तीन लोक सू न्यारो हो। वा री प्रेक्टिस ई अलग ढंग री ही। जद कोई रोगी वा रै खनै पूगतो अर इलाज करावण री बात कैवतो, जणै वै उणरै खानी गौरसूं देख'र पूछता—“क्यो सगळी जाग्यां जाय आयो ? खैर हूं इलाज करीस।” फेर वै उणसूं थोड़ी देर बातचीत करता अर आखर मे पूछता—“दवाई ऊपर घी लेसी या तेल ? घी लेवणो हुवै तो घी-ई-घी लेवणो पड़सी, अर तेल री इच्छा हुवै तो तेल-ई-तेल।”

आ बात सुण'र रोगी सकपकीज जावतो, पण वै कैवता कै घी या तेल नै गळै सूं हेठै उतारण री जुम्मेवारी थारी अर पूठो बारै नईं आवण देवण री आंटी म्हारी।”

जद कोई पूछतो कै घी खावणो कीकर ? तद वै कैवता कै .खीचडी में, लाफसी में, रोटी मे, दाळ मे, मोठै मे अर थारी मरजी हुवै तो गुटकै सूं। पण एक बात है-कै जीमता अथवा जीमण सूं एक घण्टा पैता अर जीमण रै तीन घंटा बाद ताई पाणी पीवण री सख्त मनाई है। इण बात रो पालण करणो बहुत जरूरी है।

एक दफै एक रोगी पूछियो कै तेल किसो लेऊं, जद वां उथळो दियो कै घासलेट अर मोबिल-ओयल जितां. तेलां नै छोड'र हरेक तेल चलै, जिण मूं कपड़ो चीकणो हुय जावै। कारण साफ है कै घापा नै तो

कपड़ो (शरीर मायलो भाग जिको कपड़ो ई है एक तरै सू) चीकणो करणो है ।

एक बार एक जणै पूछियो कै दूध पीऊं तो ? पण वै भट बोलिया—
“धनै ठा हुवैला कै गळनै सूं चावै जित्तो दूध छानलो, पण गळणो चीकणो नई हुवै भर धी जे पावानों ई छाणां तो गळती भट चीकणो हुय जावै ।
इण वास्तै धी लेवणो चाईजै ।”

वां री दवाई ऊपर खान-पान में ऊपर बतायोड़ी बातों रै सिवाय की परहेज नई हो । खटाई-गुड री मनाई वै नई करता । वै कैवता कै म्हारी दवाई ऊपर कैरी रो अचार ई भलाई खावो ।

दवाई देवणी सुह करियां सूं पैला वै फीस रै नांव पर एक लोट लेवता, मूंगो-छम्म-बिच्छू खायोड़ी (सो रुपियां आळो) ।

वा रै हाथ मे जस हो । वै रोगी नै दवाई लेवण रो तरीको ई समभावता । दवाई रै भोळै मांय सूं एक गोळी लेय'र पैलां खुद खाय'र बतावता, फेर रोगी नै देवता । एक दफे वा एक बदहजमी रै रोगी रो इलाज करियो । दवाई देवण सूं पैला, वै नै पूछियो कै वो धी री किसी मिठाई खावणी चावै । वै कैयो कै खावणो तो घणी ई मोतीपाक चाऊं, पण हणै कुण खवावै ? आ सुण'र वा कैयो कै एक खूमचो बडो मोती-पाक रो छलवाय लै, सवायै धी रो । म्हारी दवाई मोतीपाक ऊपर ई दिरीजसी ।

वै कैवता कै रोगी नै जिकी चीज रो शोक हुवै वा ई चीज देवणी चाईजै । कारण कै ठीक हुया पछे वो वा चीज खावण री ईछ्यां करसी ज भर जे कदास पछे खायां नुकसान हुय जावै जणै ? इण वास्तै पैलां सूं ई वा चीज खवावणी ।

जीमती टेम या जीम'र बाद में पाणी नई पीवण रै बारें में वै तरक देवता कै कवै नै गिटण नै जित्तो पाणी'री जरूरत हुवै उतै रो जुगाड़ तो

प्रकृति हाफै ई कर देवै— कवै नै चावतां-चात्रतां गिटण लायक कर देवै ।
अर देखो तो सई कै इण बात रो ग्यान तो जिनावरा तक नै हुवै, खावती
वेळा वै पाणी नईं पीवै ।

वै कैया करता कै मिनख हाफै मरै । बीमारी-सीमारी मे ई जित्तै
ताई वणै उतै ताई मूंडो चलावतो ई रैवै । इत्ती अकल तो डाढां में ई
है कै थोड़ी-सीक बीमारी हुवता ई वै चारै-पाणी में मूंडो नईं मारै । गाय
नै जे मुवाळो हुय जावै तो वा बाटो खावणो बंद कर देवै, चरणो तो बंद
करे ई ।

वै कैवता कै पैलां आदमी माचै नै भालै अर फेर माचो आदमी नै
पकड़ लै ।

वै कैया करता कै आदमी उतै ताई जीवै जित्तै वो मरणै रो मन मे
नईं लावै । एक बार वै एक रोगी नै देखण नै गया । वो केई दिनां सूं
बीमार हो । वै, वै खनै बैठग्या अर बातचीत करतां थका पूछियो—“काई
खावण-पीवण रो मन मे आवै ?”

“हैं ... महाराज, म्हारी कोई इछया कोनी ।”

“कई पैरण-ओठण रो ?”

“नही महाराज !”

“कोई खेल-तमासो देखण रो या ओर कोई इछया ?”

“अबै काई देखा ? .. लवकड तो मसाणा में गया ।”

ओ उथळो मुण'र वै उठै मू' उठिया अर पाघरा बारै गया परा । वै रै
घरमाळा सागै गया अर दवाई रो बात पूछी । वा भट कैयो—‘म्हारी
दवाई कईं काम नईं कर सकै, अबै । जिण आदमी रो मसार रो कईं
चीज मे ई प्राप्ति कोनी अर जिको आ बात भाल बैठियो कै अबै म्हनै
मरणो है, वै नै अबै वुण खंचाय सकै ?”

आ कैय'र वै आपरै घानै-मुवानै गया ।

योगानन्दजी की विशेष जीमता अर कैवता कै भो शरीर तो बोरी है, इणनै तो भरता जावो जे बिना सहारै रै खडो करणी हुवै तो । आपरै जीवन री एक घटना बां सुणाई । बां कैई कै हूं जद जवान हो तो घूमण रो शोक हो । रोटी खाय'र एक गाव सू दूमरै गांव गयो । दूरी घणी ही । सिइया पड़गी ही । अंधारै में हूं गांव री काकड़ ऊपर पोचियो । एक भूँ'पड़ै रै बारै खडो हुयो अर पाणी मांगियो । भूँ'पड़ै रै घणी पाणी पायो । पण पाणी पायो अघूरो । म्है बाल्टी भरियो पाणी जद पी लियो तो वो दीड़ियो उठै सूँ अर केई जणा नै सागै लायो । बा डरतां-डरता म्हारै हाथ लगायो । हूं समझ्यो, इण वास्तै म्है कैयो कै डरो मतीना, हू भूत-पलीत नई हूं । थारै जिसो भिनख हूं । तिम घणी ही, इण वास्तै पाणी कंई विशेष पीयो है ।

योगानन्दजी दुनिया घणी देखो ही । भारत-भू री यात्रा बा री घाप'र कियोडी ही, इण वास्तै वै पक्का हा । पण वै कचेड़ी नै ग्यान पावण री जाग्यां बतावता । वै कैवता कै वकील गीता रै ग्यान सूँ पूरण हुयोड़ा हुवै । वै गैराई सूँ श्रीकृष्ण रै उपदेश नै जीवन मे उतार'र जाणै कचेड़ी आवै । देखो तो सई कै जे केई नै ई फांसी री सजा हुवै तो वकील भट कै देवै कै अपील कर देसां, डर मत । कंई कोनी । वै तो जाणै निरलेप हुवै । कचेड़ी री तो दुनियां ई अलग है ।

वै कैवता कै जिकी भाषा भण'र सीखीजै वै रै भूलण रो डर हर टैम रैवै, इण वास्तै वै भाषा नै धोखणी पड़ै अर अभ्यास करणी पड़ै, पण मातृभाषा कदैई नई भूलीजै । “ऊं ? ऊं लोटो । ऊं ? ऊं धाळी । ऊं ? ऊं मां ।” नै चावै कित्ताई धरमा बाद पूछ लो, याद ई रैसी ।

योगानन्दजी एक ह्वेली खरीदी अर वै मे रैवण लाग्या । एक बार एक जणै तानो कतियो जद बां उयळो दियो—“भगवां लेख'र मंसार रा

दुःख छोड़ीजै या सुख ? म्है-भगवां-लिया है ससार रा-दुःख छोड़ण-नै;
इण वास्तै दुःख-दुःख छोड़ दिया ।”

वै डरता केई सूं ई कोनी । खरी कैवण मे वै अचूक हा । वै कम
बोलता, पण बोलता जणै सुणण आळो वा सूं प्रभावित हुयां बिना नई
रैवतो । एक दफे किणी दां नै पूछियो कै घोळा कयो आवै ? वै हसिया अर
कैयो कै माथै नै धणो रगड़ियां सूं घोळा आवै । जिको माथै सूं काम ई नई
लेवै वै रै घोळा नई दीसै अर घोळा सूं किसो बुढापो गिणीजै । भेड़ रै
जलम सूं ई घोळा हुवै अर बकरी रै मरै इतै ई घोळा नई हुवै ।

जीवण रै आखरी दिनां मे वै निरळेप हुय'र रैवण लाग्या । आपरी
जायदाद सूं मोह हटाय'र वै निजोखवा हुयग्या अर द्रो-एक दिना री
साधारण हरारत सूं ई इण संसार सूं विदा हुयग्या ।



सेठ

“दोय घड़ी तो रतन सेठ वण ज्याव—” आ बात बूढा-बडेरा सीख देवण नै बह्या करै है । वै सेठजी जिसो दानी अर उदार बणण री बात रै-सागै ई बां रा कई पुराणा किस्सा ई बतावै ।

सेठ सेठ ई हा । गंठियोडो शरीर, गंळ भरणो रंग, केसरिया पेचो माथै ऊपर अर डुपट्टो खान्वै । सवारी खातर बग्घी, टमटम या चौपड़यो ।

गरीबां री सुणणआळो, बात री घणी, नेम री पक्को, उखत री पूतळो, सेठाई री सरूप पण सादगी री रूप अर भगवान री भगत हो सेठ । आ बात ई बडेरा कैवै ।

शिवजी रा भगत हा वै—सेठ रामरतनजी । बां नै ‘रतन सेठ’ ई कैया करता ।

वै नेम बन्धा काशीविश्वनाथजी रा दर्शन करण नै जावता । वै दिनां मन्दिर उजाड़ में हो । दरवाजे बार बस्ती ही कोनी ।

एक दर्फ वै आधै रास्तै पौचिया ई हा कै चार जणां-बां री बग्घी नै रोकी । बां रै हाथां मे बन्दूकां ही । सेठ वा नै कह्यो—“कई बात है ?”

“म्है धारा गैणां लूटसा ।”

“तो इया करो कै आज अढ़ाई बज्यां दीयाणखाने आय जाया, हूँ व्हाने इण गैणा री कीमत चुकाय देनू । डरिया मती ना ।”

“अर जे पकड़ाय दिया तो ?”

“नई, आ बात धोखेआळी, भावै न भातरै ।”

वा लुटेरां बात मान ली । वो कै दियो कै जे गड़बड़ करसी तो काल देख लेसां । एक जर्न नै दीवानखाने भेजसा ।

अढाई बज्यां एक जणो दीवानखाने पूगियो । सेठ उण नै गैणां रें बरोबर रुपिया गिणवाय दिया अर गैणां (सांकळ, पीतरी, बीटी इत्यादि) रो संकळप भर दियो, आपरै गुर नै ।

सेठ गरीबां रो इज्जत राखता । वै, जिण घर मे मरणो या परणो हुवतो, उण घर मे रात नै रुपयां रो गाठडी फेंकवाय देवता । वै भाईपै-आळा रो आर्थिक स्थिति सूं जाणकार हा ई, इण खातर वा रो दोरी बखत मे ई काम सराय देवता ।

एक बार रो बात है कै बां रो विरादरी मे एक डोकसी 'धाम' गई । सेठ वै रें घरें बैसण नै गया । 'बतळावण' कर'र वा कह्यो "श्हूंरी मा ही जिकी म्हारी मां ई ही । श्हूं अर हूं, किसा दो हां ? डोकरी रा सुधारा हुवणा चाईजै ।"

"सुधारा हुय जासी, आपरी कृपा सूं ।"

"म्हारै लायक कोई काम-काज हुवै तो बताव ।"

आपरी दया सूं मव ठीक है पण हूं बारिये मे लाफसी बणवाणी चाऊ । 'दूवो' मिलणै सूं बात पार पडै ।"

"दूवो मिल जासी । चिन्या मती ना कर ।"

बद भाई भेळा हुया तो सेठ उण नै दूवो दे दियो ।

'बारिये' रें दिन, भाई जीमण जावण मे आनाकानी कर रहा हा । पण जद सेठ जीमण नै गया परा फेर भाई कियां अड़ता ?

सेठ जीमण बैठिया । कवो लेवतै ई कह्यो—"वाह भाई, वाह ! भारी मेवै रो खीचड़ी बनाई है ।" आ कैय'र जीमिया । सै जणा वा रो महानता नै सरावण लाग्ता ।

सेठ छोरां-छण्डा नै ई राजी राखता । वै बाळकां मे भगवान रो रूप देखता । दस-बीस दिना रें आतरै सूं वै चोकआळें पाट माथै बैठा-बैठा, छोरा नै बुलावता अर पूछता—"हणै तो गोठ-पछाड़ी करी कोनी ?"

"है बाबाजी पईसा भेळा ।"

"तो आज 'नरसग सागर' माथै गोठ हुमी । सामान उठै पूग

जासो । म्हारै रसोइयै सूं मिल लो । गाडी भाडै कर लाओ । पईसा दीवणखाने सूं ले लो ।”

“छोरा राजी हुवंता, फेर वै कैवता “अर म्हाने तो नूतो दियो ई कोनी । फेर हूं भिळ' र आऊंला ।”

“आपनै नूतो देवण री ताकत किण में है? आप तो मालक ई हो।”

फेर वै धरै जावता अर रसोइयै नै कैवता—“आज गोठ है छोरां री तरफ सूं । इण खातर चीज चोखी सूं चोखी वणावणी है । म्हनै जीमती टैम तो नई भाय नही सबै इण कारण कासो ई पुरम लियै । हां म्हारी बाई नै ई गिण लियै ।

सेठ जाणता हा कै रसोइयै रै आगे-लारै एक विधवा बैन है । इण वास्तै पैला सूं ई वै नै गिण लेवता ।

सेठ साधु-सन्तां री सेवा ई किया करता । एक दिन धां खनै एक साधु गयो अर कह्यो—

“लालन के लाल, मंगवादे माल
फक्कड़ का हाल भोला भर दे ।”

“किसी चीज चाईजै अर कई चाईजै, आप साफ-साफ हुकम करो ।”

“जिण चीज सूं चावै, उण सूं ई म्हारो ओ खप्पर भर दे ।”

“भरणो-वरणो हूं नई समझूं । म्हनै तो आप हुकम फरमाय दो।”

“हूं चाऊं कै म्हारो खप्पर भरघो जावै ।”

“हूं ई निवेदन करूं कै आप तोल अर चीज बतायदो ।”

इण तरै हुज्जत हुवण लागी अर आखर मे साधु आ कैवतो बारै नीसरग्यो—“कोई अब्बलियो आयग्यो इण खोलियै में । पोचियोडो जीव है, पोचियोडो ।”

बात आ ही कै साधु भी महान् हो । जे उण रो खप्पर भरणो सुरू करीजतो तो वो खप्पर भरोजतो कोनी । वा तो परीक्षा ही परीक्षा सेठा री ।

वा री हुण्डी चालती । एक बार वै काशीविश्वनाथजी रा दर्शन करण नै जावता हा । रास्तै में एक याचक मिलग्यो । वा कनै कागद अर कलम ही कोनी अर जवाना कह्या मुनीम याचक नै रुपिया देवतो नई

इण खातर थां एक तरकीब सोची । वां रास्तै सूं एक ठीकरी उठाई अर कोयलै सूं लिखिया - १००) ४० दे देना । कः रामरतन ।

वो याचक दीवणमानै गयो पण मुनीम वै नै रुपिया दिया कोनी । वो पूठो काशीविश्वनाथजी रै मिदर पूगियो । सेठ बात सुणी अर रकम १००) ४० रै लारै एक मीण्डी घोर जोड़ दी ।

वो मिनत फेर हवेली पूगियो पण मुनीम फेरुं ई वै ने रीतो काढियो । वो वारै नीसरियो ई हो कै सेठ रो भाई मिलगयो । उण बात समझी अर वै याचक नै रुपिया एक सौ देय'र, राजी कर' र, खानै करियो ।

सेठ री जयान जाणै 'सुलो चैक' ही । वै आपरी मा रा अस्त लेय'र हरिद्वार गया । उठै विधि-विधान सूं अस्त पघराया । फेर पण्डे दक्षिणा मागी । वा कैयो—“हुकम फरमावो ।”

“एक सौ एक ।”

“संकोच मती करो ।”

“पाच सौ एक ।”

“फेर ई आप संकोच करग्या ।”

इण बात भायै पण्डे ने इच्छरज हुयो । वै समझियो कै सेठ ढपोळ-शंख ज्यो बात करै है । वै इण खातर कैयो—“पांच सौ एक मोकळी रकम है ।”

आ सुण'र सेठ एक हजार एक रुपिया गिणवाय'र भेंट करी पण्डे रै । वो देखतो ई रंग्यो अर घणी आसीसा दीवी ।

मुनीम सेठ नै सिझ्या नै पूछियो कै जे कदास पण्डो एक लाख रुपिया मांग लेवतो जणै ?

“मागिया क्योंनी ?”

“जे मांग लेवतो तो ?”

“तो म्हारै भाग रा थोड़ी नै मांगतो ? मांगतो तो आपरै भाग रा ई । आपरै भाग में जित्ता लिखियोडा है उतै सूं राई घटै न तिल बडै ।”

मुनीम देखतो रंग्यो जद सेठ कही—

“करमां सार मिल आटो

रामजी रै घर में कईं घाटो ?”

इसा हा सेठ । आज वा रो पाथिव शरीर इण असार सतार भे नी है पण यण रुपी शरीर नै कुण नष्ट कर सकै ?

न्यायमूर्ति

न्यायमूर्ति वैजनाथदासजी रो नांव तत्कालीन बीकानेर रियासत री न्यायपालिका रै इतिहास में अमिट है। वै 'हाई कोर्ट' रा जज हा अर न्याय करणो वां रै जीवन रो ध्येय हो। वै सत-असत रो निरण करण में कीं कसर नी छोड़ता।

वै आपरो जीवन एक सन्यासी ज्या बितावता। एक तारीख नै वेतन री रकम मिलण सू पैना ई वां रो पेसकार आधी रकम रा 'मनी-आर्डर फार्म' भर राखतो। बा रकम, आपरै घरै नई पण धर्मार्थ री जाग्यां भेजी जावती।

वै बोली रा मीठा हा। दीमत रा भोळ्हा अर हृदय रा साफ। घरै मिसलिया ले जावता अर पढ़'र पेसी रै दिन तयार रैवता। वै मुकदम री सह ताई पोचता।

वै ठीक समै कचेड़ी पूगता। ज्यो ई घडी दस रा टंकोरा बजावती, वै अदालत में कुरसी माथै जाय जमता। पेस्यां करतै समै वै गम्भीर अर शान्त रैवता। बीं बखत रा वकुलाय कहा करै है कै बा कदेई गुस्सो नी करियो।

वै भिफारिस किण री ई नई सुणता। एक बार री बात है कै एक 'महानुभाव' री चीठी वां नै लाय'र चपरासी दीवी। वां, उण चीठी नै बिना खोलियां ई जेब में मेल ली। फेर आप रै काम मे लाग्या। काम निपटाय'र जद चैम्बर मे जावण लागे जद बा चीठी खोली अर पढ़'र जबाब लिखावो—“मुझे अफसोस है कि आज के मुकदमों के फैसले लिखाने

के बाद आपका पत्र मिला गया।" इन् तरे वा सई बात लिखाई।

वै एकला ई बीकानेर मे रैवता। कोठी में वै अर वा रो नोकर रैवता। जद कोइ वा मू मिलण नै जावतो अर बारै मू घटी रो बटन दबावतो तो वै खुद ई बारै नीसरता अर पूछता—“बयो भइया! कैसे आये?”

“साहब। काल म्हारो

बात नै पूरी सुणण मू पैला ई वै कैवता:—“अच्छा, ..” अच्छा भइया! कल दस बजे कचहरी मे मिलना। अच्छा”... आ बात कैवता थका वै फाटक बंद कर'र पूठा कोठी मे परा जावता।

अर बीजै दिन किण री हिम्मत ही कै वा मू जाय'र कचेड़ी मे भेटा लेवतो? वै तो आप रँ दिमाग ऊपर किण री ई सिफारिस रो असर हुवण देवता पण नई।

वै दयालु हा पण सिद्धांत रा ई पक्का हा। चोर बां रँ घर मे रैवै, आ बात ई वा नै पसन्द नी ही। आपरी कोठी में नोकर अर वा रँ सिवाय तीजो जणो कोनीं रैवतो। एक दफै वा री घड़ी गुमगी। वा नोकर नै घड़ी रो बाबत पूछियो पण वो सफा नटग्यो। वा, वै नै घणो ई समझायो पण वै हामल भरी कोनी। आखर वा फोन कर'र एम०पी० साहब नै बुलाया अर सगळी बात समझाय'र वै नोकर नै वा साथै रवानै करियो। पण अग्रेजी मे बोल'र उणां नै कह्यो कै मारपीट मती ना करीजो। खैर भला।

एस० पी० साहब मोटर मे बैठण लागा इतै मे ई वै नोकर आप री गळती कबूल करली। अर दो ई मिन्टा मे घड़ी बरामद कराव दी। बां जज साहब नै पूछियो—“अबै काई करा?”

“कानून धपना काम करेगा।” जज साहब कह्यो।

फेर वै री चलान हुयो। वै आप रो जुर्म कबूल कर लियो। इण खातर तफतीश करण आर्टि हाकम वै नै 'ता बरखास्तगी अदालत सजा दी अर एक सौ रुपिया जुर्मानो करियो। अदम अदाये जुर्मानो, दस दिन री सजा मुणार्ई।'

जज साहव (बैजनाथदासजी) वै रो जुर्मानो भरियो अर वै ई दिन उण नै टिंगस कटाव'र उण रै घरै खानै करियो । रास्ते में खचं करण सारू पच्चीस रुपिया ई हाथ में थमाया ।

वै मुकदमै रा हालत पढ़'र भूठ-सच नै समझ जावता । वै वैस सुण'र वै ई दिन फैसलो लिखावता । जिण मुकदमै में पैरवी करणआळो वकील नईं हुवतो तो वै खुद ई न्याय करण खातर खिलाफ पार्टीआळो वकील नै दो-च्यार सवाल पूछता अर फेर फैसलो लिखावता ।

वै कंवता कै 'हार्ड कोर्ट' ताणो फरियाद लेय'र आवणियै रो बात तो कम-सूँ कम सुणनी ई चाईजै । दुःखी हुयर ई तो कोई आवै है ।

डाकै रै मुकदमां मे अर 'रेप' रै मुकदमा मे, गंवायां नै आखिर में वै खुद कई प्रश्न पूछता । बां रो मत हो कै जद जनता रो आवरु अर सम्पति रो रक्षा रो बिश्वास बां नै नईं जमसी तो काम कियो चालमी ? पण साथै रो साथै आ बात भी ख्याल में राखणी चाईजै कै किण ई नै भूठो नईं फंसायो जावै ।

इण कारण ही वै इसा मुकदमां में कस'र पूरी-री-पूरी सजा देवता, जुर्म साबत हुवण पर । फेर नरमी नईं बरतता । अर जे शक हुवतो अर जुर्म साबत नईं हुवतो तो वै बरियत रो फैसलो लिखावण मे ई ढील नईं करता ।

वै भूठ रो आसरो लेवणआळा सूँ चिंगता । एक बार रो बात है कै वै एक मुकदमै रो फैसलो लिखाय रैया हा । वै मुद्दायलै रो जवाबदेही मंजूर कर'र दावो खारज करणआळा हा मिसल रै आधार ऊपर, पण वै समै ई वकील मुद्दई अर्ज करी कै—“गरीबपरवर ! इण अदालत मे तो मुद्दायलै इण कर्ज रै लेवण सूँ इनकार करियो है. पण दो बरस पैला वै मुनसफी, बीकानेर में, आप रै एक मुकदमै में 'मुफलसी' रो दरखास्त दी ही, जिणमें मुद्दई रै इण कर्ज रो रकम रो भी इन्द्राज करियो हो अर बयान मेई इण कर्ज नै मानियो हो, वै मुकदमै में ।”

आ सुण'र जज साहव फैसलो लिखावणो रोक दियो, सब नै उठे रोक लिया, अर हेठें रो अदालत रो बा मिसल माफसखाने सूँ मंगाई, बी

बखत ही तलब कर'र । मिसल आई । वां देखी अर मुद्दामलै रा हुयोड़ा बयान पढ़िया । फेर भट, वै नै ऊपर बुलायो, आपरै खनै, डायस ऊपर । बुलाय'र बयान रै हेठै वै रा दस्तखत देखाय'र पूछियो—“ ये दस्तखत तुम्हारे हैं ? ”

मुद्दामलै दस्तखत देखिया तो वै रै पगां हेठै मूँ जमीं खिमकण लागी । वो चुप रैयो ।

“बोलो, अगर तुम्हारे दस्तखत नहीं हैं, तो फर्जी दस्तखत बनाने वाले मुन्सिफ को जेल भेज दूंगा । मैंने तय कर लिया है कि आज या तो मुन्सिफ को जेल भेजूंगा या तुम्हें ।”

वो डरग्यो । सई बात तो सई ई रैवै । वै हामल भरी, जद जज साहब भट कागज लेय'र वै रा बयान लिखिया, हलफ दिराय'र । जवाब दावे रै दस्तखतां नै भी वै खनै हकराया ।

वै नै हुकारना पड़िया आपरा बयान अर नटतो ई कियां ? अदालत में हुयोड़ा बयान हा, अर वा वकील साहब री मौजूदगी में ई हुयोड़ा हा।

बयान लिख'र दोनों पारटिया रै वकीला नै जिरह री मौको दियो पण जिरह में कईं पूछता ? बात तो सगळी साफ हुयगी ही । इण वास्ती वा वापस फँसलो लिखावणो शुरू करियो—

“मैं दावा खारिज करने वाला था कि मेरा ध्यान मुद्दामले के दूसरे मुकदमे की ओर आकर्षित किया गया । इन्साफ के लिये मैंने मिसल तलब करके कार्यवाही की । अतः मैं दावा मुद्दई खर्चें समेत डिगरी करता हूँ ।”

एक बार इसो ई पेचीदो मामलो वा रै सामने आयो । एक मुद्दई नीचै री अदालत में दावो करियो । दावो रुक्के री बिनाय पर हो । मुद्दामलै हेठै री अदालत में कर्ज सूँ इनकार करियो अर रुक्को तकमील करण री बात सूँ ई कतई इनकार करियो । सबूत मुद्दई रै जिम्मे हो । मुद्दई आप रा बयान दिया अर दो गवायां रा बयान ई कराया । मुद्दामलै आप री तरफ मूँ आपरा बयान दिया अर एक 'हेण्ड - राइटिंग एक्स्पर्ट रा

बयान कराया । वैं मुद्दायलैं रा दस्तखत रक्कै ऊपर नईं हुवणा बताया । मुद्दई ई आपरी तरफ सूँ 'एक्सपर्ट' खनै जांच कराई पण वैं ई सागी बात बताई जिकी मुद्दायलैं रैं 'एक्सपर्ट' बताई ही । इण वास्तैं वैं री गवाई नईं कराई गई ।

इण हालात में दावो खारिज हुवतो ई । खैर साय, मुद्दई अपील करी । न्यायमूर्तिजी सुणी । हेठै री अदालत मुद्दई अर उण री गवाया ऊपर गलत बयानी रैं कारण दफा १६३ ता० हिन्द रैं तहत मुकदमो चलावण री बात ई लिखी ही, इण वास्तैं अपील करणी जरूरी ही ।

जज साहब वैंस सुणी अर फैसलो लिखायो—“इस बात में शक नहीं है कि मुद्दई की जेब से रुपये निकलकर मुद्दायले की जेब में पहुँचे । पर यह बात सच नहीं कि दस्तखत मुद्दायले के हो । मुद्दायले ने मुद्दई के विश्वास का फायदा उठाकर गड़बड़ की है अतः अपील इस हद तक कि 'दावा मुद्दई डिगरी हो'—खारिज की जाती है और इस हद तक मजूर की जाती है कि दफा १६३ ताजीरात हिन्द के तहत मुकदमा न चलाया जावे । खर्चा फरीकन अपना अपना भुगतें । ... ”

इण फैसलैं री चरचा कई बार 'बार-रूम' में हुवै । इण फैसलैं में जज साहब रैं तैं ताईं पूगण री बात कहीजै । कारण ओ हो कै मुद्दई अर मुद्दायलो जिंगरी भायल्ला हा । मुद्दायलो एक वकील साहब रो मुंसी हो । वो कचेडी में रमियोडो हो अर मुद्दई हो भोल्लो-भोल्लो । वो मुद्दायलैं साथै कचेडी जरूर जावतो, भोके-टोके ।

मुद्दायलैं, मुद्दई कनै कई बार रुपिया उधार लिया अर चुकाय दिया वैं नै । एक दफै एक हजार रुपिया लिया एक मईनै रैं वादैं सूँ । वैं रक्को लिख'र लाय दियो मुद्दई नै । मुद्दई आप कनै राख लियो ।

तीन-चार मईनां बाद वैं तगादो करियो तो मुद्दायलो आजकाळ करण लागो । वो टाळतो रैयो अर आखर में वां रैं धीच धोल-चात हुयगी । बात झलगी । अर मुद्दायलैं कैयो —“लाल कोयल्ली सीवाय राखे ।”

मुद्दई वकील री भारफत नोटिस दियो, एक हफतैं में रुपिया चुकावण रो, पण रुपियां री जबाब जान्या आयो इनकारी रो ।

मुद्दई दावो करियो । कारवाई हुई अर दावो खारिज हुयो ।

असली बात आ ही कै मुद्ई रुपिया देय'र मुद्दायलै नै कैयो कै
 रुक्को लिख दे । वै रुक्को लिखियोड़ो—पूरो मुकम्मिल—लाय दियो ।
 पण वो रुक्को वास्तव में मुद्दायलै रै हाथ सू लिखियोड़ो हो कोनी ।
 वै किण ई दूसरै कने लिखायो हो । अर दस्तखत ? दस्तखत ई किण ई
 बीजै रै हाथ सू करायोड़ा हा । मुद्ई विचारो अविस्वास किया करतो ?
 वो विस्वास में आयग्यो । वै नै कईं ठा ही कै वो उण रै सार्थ इसी
 बितासी । वै तो रुक्को लेय'र आपरै बस्तै में मम्भाळ'र राख लियो हो ।

इण तरै न्यायमूर्ति वास्तव में न्यायमूर्ति ई हा ।



ठाकर साहब

बीकानेर रियासत रा (तत्कालीन) महाराजा गगामिधजी जिण लोगा नै 'जीकारो' देय'र बतलावता, उणा मे ठा० श्री सादुलसिधजी हा । वै रोडै गाव रा ठाकर हा इण खातर ठाकर साहब रोडैआळा नाव मू' भी वै ओलखीजता । ऊचै मू' ऊंचै पद मार्थै रैवता यका भी वै साधु ज्यो जीवन बितावता । गरीबा री मुणार्ई करणआळा, धमण्ड मू अळगा रैवणिया हा वै ।

गोरै रंग, दोलई दारीर, डीगै कद अर गोळ चैरै आळा हा ठाकर साहब । दफतर जावतै पैट-कोट अर हैट पण घर मे देसी पैरैस पैरता वै ।

वै टैम अर काम रा पक्का हा । दफतर पीचण री टैम ठीक दस बज्या पण घरै वापस जावण खातर, दफतर रो काम निपटाय'र, निकास हुवतो । घणी बार तो रात री एक-डेढ़ ई बजती । पण उधफणो नई । वै बरिष्ठ मन्त्री हा ।

वै दयालु हा । हर एक मू' भीठा बोलता अर काम करणिये री कदर ई करता । दिनू'गै दफतर (महकमा खास) पहु'च'र कई बार वै हाफै कमरै री बारधा खोलता । उण रै इण काम नै देख'र 'हैड बाबू' कुड़तो अर चपरासी रै खिलाफ कारवाई करण री बात कैवतो पण ठाकर साहब उपलो देवता—“चपरासी देर मू' आवै इण बात मे वां रो काई कसूर है ? वापडो रात री दो बज्या घरै पहु'चै । फेर टुकड़ो खाय'र पड़ जावै । जद वो दिनू'गै कियां हाजर हुसी नव बज्यां ?”

वै कामवसु नई रैवता । एक दिन वा घटी बजाई । चपरासी कोई आयो कोनी, इण खातर वै खुद ई लोटो लेय'र प्याऊ माथै गया अर हाथ घोय'र जळ सूं लोटो भरियो अर पीवण लाग्या । फेर लोटो भर'र पूठा आया । वा रो 'हैडवावू' हक्को बक्को रैग्यो । पण वा सान्ति सूं कैयो—
 “थै ई जळ पीवो ।” आ कैय'र वो लोटो उण री मेज माथै मेल दियो ।

दफतर मे वै काम मे ई लाग्योडा रैवता । उण दिना महकमा खास मे मन्त्रिया खातर 'थाळ' री व्यवस्था हो, राज री तरफ सूं । दम सिगरेटा ई रोज मिलती ही पण वा ना तो कदई 'थाळ' मांगायो अर ना ई सिगरेट ली ।

वै, बाबुवा अर चपरास्या सूं नाराज नईं हुवता। वै क्रोध जाणे करता ई कोनीं । वां रै विभाग रो कोई वावू या चपरासी बीमार हुवतो तो वै खुद वै री हकीकत पूछता । जे कदास वै रो इलाज ठीक नही हुवतो तो वै उण नै अस्पताल मे भर्ती करावता अर पी.एम. ओ. साहव ने भोळ्हा-वण ई दे देवता । वै उण नै कैवता कै छुट्टी री चिन्त्या करण री जरूरत कोनी, इलाज ठीक सर कराये ।

वै भूठ बोलणियै सूं चिढ़ता । जे कदास कोई छुट्टी लेवण खातर भूठो कारण लिख देवतो अर वा नै ठा पड़ जावती तो फेर उण नै वै आडै हाथा लेवता ।

वा नै वागवानी रो शौक हो । आपरें डेरें रै वाग री वै खुद सार-सभाळ करता ।

मोड़-बड़ाई वा रै आगै-लारै ई ही कोनी । तडक-भडक सूं ई वै अनग रैवता । वा रो हर काम टच रैवतो ।

वै घूमण नै भी जाया करता हा । एक चार री बात है कै वै डेरें सूं निसरीया । थोड़ी दूर टुरिया हुवता कै घोरा री ओडी देखी । घोर बेचण झाळी होकरी गनै बैठी ही । वै उठै दूकिया अर पक्का-पक्का घोर टाळण लाग्या ।

“टाळ मती ना व्हाला” -डोकरी कह्यो ।

“टाळवा लेसूं अर दाम धारै मन माफिक दे देसूं माजी । आ कैय'र पाव भर टळवां बोर वा छाट लिया । फेर वै डोकरी रै कैणै मुजव तीन डबल दिया पण जावती टैम एक चार आनी और फेंकग्या ओडी मे ।

वै आपरै विभाग रै कर्मचारिया रै बारै मे जाणकार रैवता । मौकै माथै वां रा हिमायती ई वणता ठाकर साहब । वै ढाल हा ढाल वा रै खातर । एक बार वां नै एस० पी० साहब फोन करियो अर कह्यो कै आपरै दफ्तर में काम करण आळै एक बाबू रै वर खिलाफ सी० आई० डी० इन्स्पेक्टर रिपोर्ट कीनी है । रिपोर्ट रै अनुसार वो क्रान्तिकारी है अर क्रान्तिकारियां सूं मेळ राखै ।

“तो आप रिपोर्ट सार्ग वै इन्स्पेक्टर ने हणै ई भेज दो । हूं देख'र आपनै सूचित कर देसूं कै कईं करणो उचित है—” ओ उचळो वा दियो ।

थोड़ी देर बाद वा रै कमरै में वो इन्स्पेक्टर घुसियो अर रिपोर्ट पेस करी ।

वा रिपोर्ट पं० मुरलीधरजी रै खिलाफ ही । वा रै खिलाफ इल्जाम हो कै वै पं० जानकीप्रसादजी बगरहट्टै रै घरा जावै । वा रै खिलाफ खादी पैरण रो ई इल्जामे हो ।

रिपोर्ट पढ़तां ई ठाकर साहब धीरै सूं कह्यो—“हूं तो अब लायक नई रह्यो इण पद पर काम करण रै ।”

“है है सा'ब ।”

“है सा'ब काईं । जद म्हारै नाक नीचै रहवणियै बाबू रै बारै मे म्हांसू ज्यादा ठा म्हानै है जद हूं महकमा खास मे कियां काम कर सकूं ?”

वो इन्स्पेक्टर नीची नस कियोडो खड़ो रह्यो ।

वां फेर कह्यो—“म्हारो बाबू जानकीप्रसादजी रै घरां जावै पण बयो जावै इण बात री ठा म्हानै है ? जानकीप्रसादजी रा बड़ा भाई वा रा गुरु है । वै नाटक री तैयारी करावै । वै नाटक मण्डली रा उस्ताद है अर म्हारो बाबू नाटक खेलण मे भाग लेवै । क्या सांस्कृतिक कामां में भाग लेवणो गुनाह है ?”

“सा..... हू माफी”

“नईं माफी रो काई बात है ? अर रहानै आ ठा हुवेला कै खादी तो अठै रो बणियोड़ो तस्तो कपड़ो है जिकै सूँ ई गरीबां रो भुजारो चालै । धै जिकै नै खादी कैय'र इल्जाम लगावो वा तो डोवटो है । म्हारै ई डोवटो रो कमीज पैरण नै है” —आ कैय'र कोट हेटै पैरियोडो आपरो कमीज देलायो ।

वो इन्सपेक्टर गिडगिड़ावण लागो । जद वा रिपोर्ट आपरै कनै राख'र वँ नै रवानै कियो ।

वै कह्दा करता कै जद, म्हारै विभाग रै लोगा रै बारै मे हूँ ई कम जानतो हुईस जद फेर काम हुय लिया । कुण किसो'क है इण बात रो ठा तो साधारण बातचीत सूँ ई लाग जावै ।

वै न्याय करणआछा हा । वां खनै अपीलां आवती । एक बार एक डोकरी वा नै अरज करी कै वै रै जेठूतै उण रो सगळी जमी हडप ली । वै रो सुणार्डि कठै ई नईं हुई । वा इण खातर मिसल मुलाहिजा करी । फेर पेशी रै वक्त उण रै जेठूतै नै डाट'र कह्यो —“थ्हेँ खोटा नकशा बणवाय'र पेश करिया है । हू थ्हनै अर गजघर दोनां नै जेल भेजसूँ ।”

“है हजूर”

“हजूर-वजूर की नईं समझू । हजूर तो लातगढ मे बैठा है । म्हानै तो साची बात बताव ।”

“सा'व..... । हूँ फैसलो कर लोस ।” आ कैय'र वा रै पगै पड़ण लागो ।

“म्हारै पगै नईं, इण डोकरी रा पग भाल । इण नै राजी कर ।”

वै मिनख फेर डोकरी रा पग पकड़ लिया । डोकरी उण सूँ राजीपो कर लियो अर आसीस्या देवती उठै सूँ गई ।

वा नै फुटबाल रो मैच देखण रो शौक हो । फुटबाल रा दूरना-मैण्ट चालता जद वँ प्रायः स्टेडियम जाया करता । वै खुद भी तो आच्छा खिलाडी हा आपरै जमाने रा ।

स्टेडियम जावण सूँ पैला वँ सगळो काम निपटाय देवता । उठती वेछा वँ हैड बावू नै कैवता —“पाच बजणी है, कंई कांम हुवै तो बताय

देवो ।” अर जइ काम री तरफ मूँ याँ नै हरी भंडी मिल जायती तो वै रवाने हुयता ।

एक दिन वै रवाने हुया ही हा कै हैड बाबू सायाबल्ल सूँ गयो अर एक कागज सामे कर’र कह्यो—“एक कागज पर दस्तपत करणा है, सा’ब ।”

“ओ हणै हणै में कठै मूँ जिलमग्यो ? एक मिन्ट पैला ताई तो एक ई कागज कोनीं हो दस्तपता सातर । अरै इण नै आज-भाज में थोड़ो बडो हुयण दो, काल देगनूँ”—भाज कैय’र वै रवाने हुयग्या ।

वां री बहुत मान हो । उण समै रा महाराज गंगासिधजी इणियै-गिनियै लोगा नै जीकारो देवता हा । अर उण लोगा में ठाकर साहब री नाव ई हो ।

वै अध्यापकां री बहुत आदर करता । मा सरस्वती री पावन मन्दिरां री प्रति वां री हृदय में अगाध अट्टा ही ।

एक बार री बात है कै एक मास्टरजी (दीनानाथजी) वा री डेरें पटावण नै जावणो शुरू करियो । ठाकर साहब वां नै “प्रणाम मास्टर जी” कह्यो । मास्टरजी संकोच कर’र अरज करी, “ठाकर सा’ब, आप म्हारे पिताजी री ऊमर रा हो । आप म्हनै प्रणाम करो, आ ... ”

मास्टरजी बाबय पूरो करता ई हा कै ठाकर साहब बीच में ई बोल’र कह्यो—“मास्टर सा’ब ! आपनै ठा हुवै ला कै हूँ वाल्टर नोबलस हाई स्कूल में भणियोड़ो हूँ ।”

“जी ।”

“अर आप उण हीज स्कूल में अध्यापक हो । आप जिण कुरसी ऊपर विराजो वा म्हारे सातर पूज्य है । अर हूँ वै कुरसी माथे बैठण लायक जलम भर नई बण सकूँ । हूँ वै कुरसी नै भी, आपनै प्रणाम करनै, शीश झुकाऊँ हूँ । आप वै सरस्वती री पवित्र मन्दिर में साधना करो हो ।” आ बात कैय’र वै उठै मूँ टुरण लाग़ा अर टुरता-टुरता फेर “प्रणाम मास्टरजी” कैयग्या ।

आपनै अठै री हलकी नई दीसी—ओ विचार वां री मन में हर बखत रैवतो ।

हार्डिंज साहब होम मिनिस्टर रो चार्ज सम्भाल'र आपरो कमरो देखियो । गरमो री भयंकरता अर बिना टाटां रो कमरो । उणा रो माथो ठणक्यो । ठाकर साहब उणां री गत लखग्या । वै वखत ई टाटा मंगवाय'र कमरो ठण्डो करवाय दियो । हार्डिंज साहब कृतज्ञता प्रगट करी अर दूसरा मिनिस्टरां रै कमरा रै टाटा नई हुवण रै वारै में पूछियो ।

“म्है तो देसी आदमी हूं । म्हारै खातर गरमी-सरदी सहवणी साधारण बात है । अर टाटा मे रैवण सूं वारै नीसरां जणै जुलाम हुय जावै ।”

ठाकर साहब ओ उथळो दे तो दियो, बात सारन खारण पण असल बात था ही कै गंगासिधजी री तरफ सूं महकमा खास मे टांटा लगावण री मनाई ही । अर वै टाटा ठाकर साहब आप रै पईसां सूं खरीद'र लगवाया हा ।



